


TA 1978
36



Peep of Day
in Fookow Colloquy


By G. Hoarwell.

Am. Tract Soc.

1871

TA1978

36



同治十年

正道啟蒙

福州城內太平街福音堂印



HARVARD-YENCHING LIBRARY
HARVARD UNIVERSITY
2 DIVINITY AVENUE
CAMBRIDGE, MASS. 0217

正道啟蒙目錄

第一課

論身體

第二課

論靈魂

第三課

論罷奶愛仔佢

第四課

論天使務善惡二等

第五課

論上帝創造天地

第六課

再論上帝創造天地

第七課

再論上帝創造天地

第八課

論上帝創造始祖

第九課

論始祖犯罪

第十課

論上帝設法救伙

第十一

論救主降生

第十二

再論救主降生

第十三

論牧羊其伙尋主

第十四

論博士拜主

第十五

論希律謀劊救主

第十六

論魔鬼試耶穌

第十七

論救主傳道

第十八

論耶穌頭一回行異蹟

第十九

論耶穌屢次行異跡

第二十課

論耶穌赦伏罪

第二十一

論主駛風浪平靜

第二十二

論睚魯其諸娘仔仅活

第二十三

論五餅二魚飽衆

第二十四

論耶穌大慈悲

第二十五

論主教門生祈禱

第二十六

論耶穌預言死其代

第二十七

論拉撒路仅活

第二十八

論主尾回殼京城

第二十九

論主逐做買賣伙出殿

第三十課

論惡徒猶大

第三十一

論主替門生洗胶

第三十二

論主指明惡徒

第三十三

論主設晚餐

第三十四

論主着園乞仇人拿去

第三十五

論彼得怀認主

第三十六

論主受呆伙審判

第三十七

論猶大自盡

第三十八

論主乞呆伙卸十字架

第三十九

再論主卸十字架

第四十課

再論主卸十字架

第四十一

論埋葬耶穌

第四十二

論耶穌復活

第四十三

論主復活顯現

第四十四

論多馬不信主復活

第四十五

論門生討魚復活碰着主

第四十六

論耶穌昇天

第四十七

論聖神降臨

第四十八

論主救彼得出監

第四十九

論約翰得默示

第五十課

論末日審判

正道啟蒙

第一課

論身體

人。那看世間萬物，就曉的上帝其智慧權柄才能。毛論大共細其毛，那去窮究，就曉的都務者頂美妙其意存落中間，儻顯明上帝其智慧才能是毛限量。今你駛看別毛，那駛看自家其身體，中間務盡，恁美妙，我試講些須，乞汝聽。人身體務四肢共五官，目儻看，耳儻聽，嘴儻食，儻講話，鼻儻被香臭，手儻掏毛做代，肢儻行路，身裏也務筋骨血肉相聯一堆，外斗獲喇皮包禮，腹老裏務五臟，肝腸脾肺腎，都務用處。身體內外只恁件，乞我駛用，人因爲駛用慣去，都漢是平常，也賣曉的只滿美妙。若使剝想身體禮只恁毛，將其件件都合我駛用者，理實在艱難明白。惟獨上帝全智全能，儻做者樣其肢體，乞我只滿奇巧，駛我儻運動做代，仅獲喇氣息，乞我駛我儻活者，氣息出入，自家都係見覺，也是上帝其才能，係是由人自家打算，務人講身體是罷奶生其，嘴是賣記的上帝。請你儻仔生出世，四肢共五官，也務全也，務你全，罷奶務擔當主意麼。身裏其五臟，或病或毛病，罷奶儻曉的麼。命或是長，或是短。

權柄是操着罷奶麼。罷奶生我，明明是上帝付託伊照顧我。我仗身體件件都全，件件機巧，毛病毛痛，噴都是上帝賜我，應該讚美上帝。其恩惠才能，仗想仗其身體是極容易壞，或是碰着水災火患，或是碰着盜賊野獸，或是碰着病痛，身體就受傷，自家毛擔當保的，就罷奶也艱難照顧。我仗殼仵，都毛遇着一切災難，身體仍原平安，噴都是上帝保護。挪毛，你該感謝上帝，其鴻恩，望伊時常將換照應吓。

歌曰

世間萬物。	顯主權榮。	看我身體。	就更顯明。	筋骨血脈。	百體四肢。
行動做代。	憑我所施。	雖是罷奶。	養我其身。	着記上帝。	伊恩更深。
身體軟弱。	容易受傷。	自家賣保。	罷奶難防。	唯有天父。	賜我安寧。
永遠如此。	讚伊美名。				

第二課

論靈魂

仗務身體，務靈魂，身體務形，那欲論伊其樣式，容易明白。靈魂毛形，欲曉的伊其才能，盡細心窮究，不過也。那懺曉的大畧，那論身體，仗共頭生約畧相。

近唯獨務者靈魂。就比頭性尊貴的。五。官。四。肢。頭。性。件。件。都。務。伊。其。形。狀。雖。然。共。伙。伙。相。同。那。伊。務。耳。也。儼。聽。務。目。也。儼。看。務。肢。也。儼。行。共。伙。毛。也。毛。各。樣。也。務。比。伙。故。巧。那。頭。牲。其。巧。是。一。定。的。毛。擔。當。件。件。都。儼。賣。打。算。賣。思。想。也。賣。曉。的。自。家。頭。先。由。冬。那。梨。殼。後。務。歸。着。吓。毛。因。伊。毛。者。靈。魂。伙。務。靈。魂。就。務。才。能。智。慧。毛。論。天。上。地。下。其。毛。都。務。擔。當。窮。究。伊。其。根。原。毛。論。古。早。現。時。其。代。都。務。擔。當。查。察。伊。其。情。節。看。天。地。萬。物。那。窮。究。殼。根。源。就。曉。的。務。一。隻。上。帝。智。慧。權。能。頂。大。伙。其。謀。生。各。件。其。代。都。儼。打。算。各。件。其。毛。都。儼。製。造。莽。听。莽。好。意。思。也。可。以。相。通。或。是。嘴。禮。傳。授。或。是。筆。墨。寫。出。一。個。伙。其。見。識。務。擔。當。開。眾。伙。其。見。識。伙。務。靈。魂。隻。儼。者。樣。也。務。者。是。非。其。心。儼。辦。別。善。惡。曉。的。善。該。當。做。惡。該。當。離。順。從。者。是。非。其。心。就。見。快。樂。違。背。者。是。非。其。心。就。見。不。安。曉。的。上。帝。愛。者。善。嫌。者。惡。伙。其。善。惡。雖。然。昧。見。報。應。殼。後。來。上。帝。的。的。務。賞。罰。儼。就。是。務。靈。魂。其。證。見。也。是。伙。身。死。去。靈。魂。故。着。禮。其。憑。據。也。務。伙。講。伙。其。活。命。不。過。全。藉。三。寸。氣。氣。散。伙。就。毛。去。儼。也。伙。是。真。實。其。話。靈。魂。着。身。體。就。像。伙。葍。着。厝。一。樣。厝。那。倒。去。伙。就。搬。去。別。塊。伙。仍。原。故。着。禮。體。

那壞、靈魂就殼陰間也是故着礼。仅務人講、人務三魂七魄、贖也是莽講、一箇人總那一隻靈魂、佛那務三魂七魄也、務講、人死、靈魂就轉輪迴、或再做人、或變做頭牲、嗜也是荒唐、上帝獲靈魂乞人、人賣變做頭牲、頭牲也賣變做人、若使獲身體共靈魂比併、佛一件是重、明明靈魂重的、上帝賜人身體、是乞靈魂駛用、人那容縱情欲、專求身體其快樂、嗜就是將靈魂反當做身體其奴才、共上帝賜乞人靈魂其意思相反、終久的遭刑罰。

歌曰

既務身體。 仅務靈魂。 身體雖死。 靈魂尚存。 世間萬物。 人是最尊。
查察今古。 推測乾坤。 思想打算。 筆寫口傳。 曉的上帝。 智能本源。
懣別善惡。 禍福分門。 佛從私欲。 志氣迷惛。 既具靈性。 仔細思量。
棄邪歸正。 報主鴻恩。

第三課

論罷奶愛仔伢

人出世時、共頭牲大怀一樣、頭牲一養出、怀駛簪疔、就懣自家討食、行動、人做細、着藉罷奶撫養照顧、三歲裏、着罷奶抱囉喚囉、殼十餘歲、隻漸漸曉的

事。慥曉的照應本身。上帝付託罷奶，養我仝其身體，只獲愛仔佢其心。乞伊叫伊撫養照顧，佢辭勞苦。仔佢腹老空，乞伊食，清乞伊穿，佢啼就騙伊歡喜。務病就苦，日暝伺候，設大就漸漸教伊學好，佢成器罷奶就歡喜，不成器就苦。有時仔佢賣記的罷奶其恩，或是拗鬧不孝，罷奶雖然責備伊，賣捨的棄伊，總望伊回頭變好。佢慥變好，就加倍歡喜，將從前所有其過失，都毛記在心。汝看娘奶在家，愛仔佢常常勞心費力，或是替伊做衣裳鞋搭，或是預備茶湯飴配，甯可自家寒餓，總剝乞仔佢，俛喇飽，誦喇熱，留心替伊打算，無所不至。郎罷也將換，毛論出外做世毛代，或是用心，或是駛力，趁錢轉厝，都是因爲男女仔。驚伊吃虧，欲伊安樂。罷奶所做其代，雖是不同，愛男女仔其心，總是一樣。罷奶將換愛仔佢，仔佢應該感伊其恩，孝順伊，佢通拗鬧。罷奶或是老，或是病痛，着盡心奉事伊。罷奶愛仔佢其心，也是上帝所賜，可見天父其仁慈，是毛限量。我仝既然曉的，罷奶養育其恩，該當着報。學將換上帝其恩，佢更更着報吓。上帝獲身體靈魂賜我，只駛罷奶撫養我，故此我着盡心敬愛上帝，服事上帝，時常讚美伊其仁慈，順從伊其誠命。

歌曰

小小身軀四體全。
照顧衣裳飲食眠。
該想母親誰所賜。
父親終歲苦其躬。
爺娘愛子一心專。
奉崇天父更應先。

爹娘一見發慈憐。
母親恩德徧全身。
原來上帝發慈仁。
忍饑耐渴因兒女。
上帝賦他性自然。

或懷或負肩頭上。
膝下依依要永親。
或做工商或務農。
該把親恩記在衷。
服事雙親該盡力。

第四課

論天使務善惡二等

上帝味造伙時候。先造喇天使。者天使頂晒。算也賣盡。伊是毛形毛像。伙賣看的見。伊智慧才能。也比伙大的晒。論伊其職份。是服事上帝。聽憑上帝差遣。務大福氣。大榮耀。仗賣死賣病。專心敬愛上帝。跬上帝面前。讚美伊至尊。至聖至仁。天使奉上帝其命。就像風許快。火許急。本來德行全備。都毛惡行。實心服事上帝。就像孝子聽憑耶罷其命令。後來務喇天使。保守本份。驕傲忤逆。因此伊性情就變呆去。上帝不准伊葑天堂。逐伊落地獄去受罰。故此

稱囉魔鬼。魔鬼中間，務喇頭，伊名囉撒但。撒但二字，是仇敵其意思。許晒背逆上帝，其天使聽撒但，其命令十分嫌恨上帝，想害上帝，害賣梨，就去滿塊害伊，誘惑伊，違背上帝，其誠命。看見伊行惡，就歡喜；看見伊行善，就嫌恨。曉的伊得罪上帝，後來一定落地獄，共伊一堆受苦。許一幫好其天使，務仁愛其心，欲伊行善享福。凡務伊敬拜上帝，就歡喜；梨保護伊，免的受魔鬼其害。現在世間，伊創者呆其風俗，伊拜上帝，欲拜土塑木雕其偶像，服事許晒其邪神，嘖都是乞撒但迷惑，落伊其圈套。務伊驚魔鬼其害，就畫符念咒。伊漢是懺逐的伊，倒曉的將換做，實在是服伊，反變掛伊其記號。我伊剝避魔鬼其害，切不可諂媚伊，親近伊。伊駛悔罪改過，倚靠上帝，早晚求上帝保護，就伊驚伊。

歌曰

天使原來幾萬千。

尊崇上帝志誠虔。

如風如火飛承旨。

喜色和容在主前。

他雖尊職大榮光。

愛惜吾儕總不忘。

做主門徒他輔助。

臨終帶領到天堂。

其二

撒但當初福盛昌。

欽崇上帝在天堂。

只因越分心驕傲。

受罰陰曹最慘傷。

天使與他多忤逆。

不能再享大榮光。

惟專誘我從邪僻。

地獄同刑苦莫量。

第五課

論上帝創造天地

奴伙蒔着天地間，實在是頂好其地場。汝看者天礼，日月星辰，排列何等好看。地礼山岳河海，布置何等整齊。上帝造者世界，乞奴伙蒔待奴伙實在好。昧造世界時候，上帝共許個天使，蒔着天頂，做者世界，原係是因自家，是因奴伙。上帝造天地萬物，毛駛世毛料，不過發一句話者毛就務者世界本來是頂黑暗，上帝講着務光，就務光。上帝仅造者氣，我伙務者氣隻儻活者氣散布落天地間，有時運動變做風。上帝仅做者雲者雲一化就變做水，蕩落梨就是雨。地上本來是水，上帝講水應該聚着一堆，就務乾燥其地現出梨水所聚其地，頂大頂深，就是海。海水晒的狠，有時大風一起，波浪滔天，務盡大其聲音，伊總毛擔當單倒流去，因上帝不准水過者限。水歸着海者乾燥

其地就儼起的厝居住也務路徑乞伙行走。上帝做只滿好其世界。乞我伙
葑我伙着讚美上帝。感謝伊其大恩。

歌曰

天地原由主造成。

功能智慧大難名。

洋洋洪水歸其所。

登登崇山乃顯呈。

吩咐有光光遂發。

天邊海外徧輝明。

位前天使觀忻喜。

響亮空中讚美聲。

第六課

再論上帝創造天地

上帝分開水陸。水歸落海。地就現出。當許一時。地面一件毛都毛。上帝那
講一句。各件其毛。即刻都生起。務模木。盡晒樣。松柏儼起的厝。黃楊儼做的
椅棹。仅務各種其模。儼做的一切家私也。儼燒火煮餅。仅務果子。模儼結菓
子。講也賣盡。仅務各種其菜。頭牲儼食的。伙也儼食的。仅務五穀。乞伙做糧
草也。務大麥。小麥。綠豆。烏豆。膏梁。粳。秠。各等地。礼故務青草。顏色也好看。乞
頭牲做的糧草也。務花木。顏色務晒樣。開盡作佳。仅香的。狠。上帝創造地上
只晒毛。以後仅做一個日頭。放着天。礼。日日東邊出。西邊落。叫伊普照者世

正道啟蒙 第五課論上帝創造天地

間。盲瞽仅務者月其光，連無數其星，排列滿天。者日頭實在比地大的，因離地頂遠，故此伙漢的毛簪大務一首詩講也毛鄭。

日頭出沒認時辰。

普照世間萬國人。

運轉千年無舛錯。

彰明上帝命常新。

那月其光比日頭差的，我伙盲瞽就可以歇息。那者月務圓務缺，不像日頭一樣。星務二十八宿，學者角亢氐房心尾箕其名號，故務盡，算賣清楚。我伙看見日月星，應該想上帝其才能頂大，無論大共細其毛，常常務照顧，故此我伙早晚着虔心讚美上帝。

歌曰

上帝全能發一聲。

草花樹木遂生成。

菜蔬五穀皆齊備。

滿地青葱自向榮。

造出星辰同日月。

黃昏白晝永分明。

吾儕俯仰誠歡樂。

早晚謳歌主大名。

第七課

再論創造天地

上帝造天地萬物，是務次序，先造天頂日月星辰，地下模木花草，噴都是毛

血氣其毛。上課已經講了。今再講上帝所造務血氣其毛。上帝發一句話。水裏就生無數其毛也。務務鱗也。務毛鱗也。務務殼。種類盡。大細不等。鯨魚是頂大。務幾丈長。大眼賊兒是頂細。鯉魚。鯽魚。是務鱗。鱈魚。泥鰍。是毛鱗。龜。鼈。螃。蟻。蛤。蚌。是務殼。仅做。儼。杯。其。鳥。比。魚。故。好看。務。一。種。鳥。叫。做。麻。雀。泊。着。模。許。裏。叫。盡。好。聽。儼。者。毛。羽。顏。色。一。樣。黃。雀。其。毛。是。淡。黃。色。喜。雀。是。翠。藍。孔。雀。頂。好。看。頭。頂。務。翠。毛。尾。是。五。彩。攤。開。像。掌。扇。一。樣。畫。眉。共。黃。鸝。叫。頂。好。聽。仅。務。儼。泗。水。其。就。是。水。鴨。天。鵝。白。鷺。胆。骨。頂。長。毛。頂。白。頂。大。是。鴛。鳥。賣。杯。儼。儼。行。行。頂。去。快。神。鷹。做。窠。落。山。頂。頂。翼。真。務。力。儼。杯。殼。雲。裏。頂。馴。良。是。白。鴿。叫。毛。也。毛。好。聽。鳥。只。一。類。講。也。賣。盡。伏。大。畧。都。儼。八。仅。造。一。種。活。其。毛。叫。做。蟲。落。青。草。礼。爬。學。佬。蛇。只。一。類。落。地。下。礼。爬。學。螞。蟻。只。一。類。故。務。儼。杯。其。就。是。蝴。蝶。蜜。蜂。蜜。蜂。頂。巧。儼。採。花。釀。蜜。蝴。蝶。儼。是。好。看。不。過。落。花。許。裏。杯。梨。杯。去。上。帝。仅。做。者。獸。務。四。箇。肢。學。者。馬。牛。羊。是。伏。如。常。見。故。務。野。晒。伏。味。常。見。務。喇。松。鼠。儼。落。模。頂。礼。跳。兔。儼。落。地。下。開。洞。山。羊。儼。爬。山。嶺。鹿。務。角。生。也。好。看。行。頂。快。頂。威。風。是。獅。毛。色。是。黃。頂。兇。惡。是。佬。虎。毛。色。是。花。斑。頂。大。是。象。

鼻髀掬毛。頂精靈是犬。髀照應門戶。頂馴良是羊。劄伊也。伊也。伊也。上帝造只四
類活其毛。都務照顧伊。伊毛靈魂。故此賣曉的感謝上帝。那我伊務靈魂。看
見上帝所造只個毛。着讚美上帝呵。

歌曰

地闢天開不可空。

造成活物處其中。

飛禽走獸蟲魚鼈。

海底山峰盡滿充。

上帝仁慈施及物。

時時保養意無窮。

他無靈性難分曉。

我輩當揚主大功。

第八課

論上帝創造始祖

天地好像一欄。其大厝厝裏家私件件齊備。伊隻髀葑的。故此上帝先造成
天地萬物。然後造伊。伊其身體。上帝是駛土做。以後上帝吹氣入伊鼻空。者
伊就髀活。聖經講。上帝造伊。樣式約畧像上帝。意思是講。伊髀八上帝也。曉
的敬愛上帝。心裏都是善毛惡。伊務永遠賣死其靈魂。只喇始祖名字叫囉
亞當。亞當二字。是紅塵其意思。上帝已經造亞當。就叫伊落埃田園。許裏葑
者園實在頂好。花草樹木盡作佳。伊務結菓子其模。件件齊備。上帝叫伊落

許裏栽種防守也將所造其鳥獸帶乞亞當看。叫伊號名。只對亞當講。海共地只晒毛。都交付汝管理。將換看起梨。我伊始祖是萬物中間頂尊貴其伊。落園裏。腹老空。務現成菓子食。是上帝預備禮了。可見上帝待亞當頂好。許一時亞當那一箇伊。毛伊幫助。故此上帝講。着做一隻諸娘伊。幫伊。上帝就叫亞當去困。將伊脅骨抽出一條。做一個諸娘伊。亞當困清醒。看見就曉的。是由自家其骨做成。十分愛惜伊。就配做夫婦。者諸娘伊。就是我伊其始祖。母亞當稱伊其名。叫做夏娃。夏娃二字是母親其意思。上帝造天地萬物。連創造伊。來歷大畧是者樣。隻做其時候。都是盡好。落世間。毛罪惡也。毛病毛痛毛苦。務大福氣。上帝創造萬物。足足六日。工夫造完。穀第七日就安息。許晒天使。看見上帝所做其天地萬物。十分歡喜。大聲讚美上帝。當初上帝創造天地萬物。者來歷伊。將樣懺曉的呢。因聖經許裏務記。者聖經是上帝。暗指點先知寫其。叫囉舊約全書。

歌曰

始祖原名是亞當。

園中居住福無疆。

孤男無女難昌熾。

故造夏娃與助幫。

夫婦二人同骨月。

相親相愛一心腸。

能從上帝無違背。

得享長生永吉祥。

第九課

論始祖犯罪

我伙其始祖亞當夏娃起先葑樂園許裏實在大務福。二個伙一堆十分相得。都毛相爭感上帝其恩時常讚美上帝。上帝也時常出現共伊講話。伊見着上帝十分歡喜心都賣驚。園許裏其菓子上帝都應許乞伊食。唯獨務一兜叫別善惡其模者菓子上帝吩咐伊伙通食。食的死。二個伙憑上帝吩咐起先都毛敢食。以後魔鬼剝想害亞當夏娃。故此設計誘惑伊犯罪。就投着者蛇梨園許裏。觀觀夏娃一個伙。着許塊蛇就講。園只裏菓子好。恁汝緣何都伙食呢。夏娃應講。只恁菓子都。儼食的。那者別善惡模其菓子。上帝吩咐伙通食。食的死。蛇就講。冬那儼死。食就加倍聰明。儼像上帝一樣。故此上帝伙乞汝食。夏娃聽者話。就仰起頭看者菓子。實在好看。想也是好食。就摘幾粒。掏梨食也。掏乞亞當。亞當也食。只二個伙毛憑上帝所吩咐其話。因此得罪上帝。食以後性情就變呆去也。毛世毛敬愛上帝。毛箬聆。上帝梨園

許裏。伊聽見就驚。躲落模縫。想毛乞上帝看見。上帝就叫伊出梨。倘伊講。汝將其躲模縫許裏。伊應講。因我裸體。故此毛敢見汝。上帝講。伊共汝講。噯。是小禮。我吩咐汝。休通食其菓子。汝將其去食。亞當應講。就是汝所賜我。只喇諸娘。伙。掏乞我食。噯。是明明。休肯認罪。反推伊老小身上。也推落上帝身上。上帝就問夏娃。講。汝將其做者代。夏娃也。休肯認罪。講。是蛇引誘我。我隻食。上帝就責者蛇。講。因汝做者代。伊的的共汝結仇。伊其後裔。共汝其後裔也。將換伊拍傷汝其頭。汝傷伊其肢。者話是暗暗指後來救世主。剝滅魔鬼其權勢。上帝就定夏娃其罪。講。汝後來生育的。的盡吃虧。然後。休定亞當其罪。講。汝仝着勞苦。隻能得食。休講。汝毛箬。的的能死。身體仍原化做土。講完。就逐二個伙出園。叫一隻天使。掏一把火劍。把守園門。不准伊再入去。

歌曰

始祖原來德備全。

依從上帝一心專。

誰知撒但來相害。

誘惑兩人實可憐。

菓子雖云微細物。

取嘗究竟大違天。

因而定死身歸土。

波及兒孫至萬年。

第十課

論上帝設法救人

亞當夏娃得罪上帝，乞上帝逐出樂園，真是可憐。從前你駛勞苦，上帝務預備許，晒其菓子，乞伊做糧草。穀者時候，着去耕種，隻鞋度的日，那者五穀，着種隻務收，毛種就毛收，而况野草自家莽生起，拔去，仅長，耕種就越費力。伊二個伙本來長生不老，也毛病痛，穀犯罪後，身體鞋軟弱，肢手鞋見酸，有時也鞋病痛，頭髮漸漸變白，牙漸漸蕩去，日凋漸漸變花去。伊想當初，貪格外其好處，單倒失去實在其安樂，反受無盡其吃虧。仅想上帝你歡喜伊，心裏實在煩惱，曉的自家共仔孫，都鞋死，心就更更不安。上帝八曾講，汝其身體，仍原化做土，伊想至後來，靈魂也難免受罰。亞當夏娃驚囉苦囉，都是因犯罪其緣故。伊自犯罪後，性就變呆去，鞋生起盡晒其邪念，想死後其刑罰，一定着受，毛擔當逃避。幸的上帝大發慈悲，先想一件其法，救始祖連伊其仔孫。故此落始祖昧犯罪以前，預先對伊其獨子耶穌講，我立汝做救世主，駛汝降世做伙，伙你守我其律法，汝替伊守，伙務罪該受罰，汝替伊受，汝將換做，就駛我得榮耀，連鞋救無數其生靈。耶穌就應承講的，的成就天父其旨。

意願替萬民贖罪。贖是頂歡喜其代。天父憐捨的伊其獨子。替我伙受苦。真是大慈悲。耶穌情願離天堂。別天父。連只晒天使。降世替伙受苦者。恩真真是毛限量。我伙都是亞當其仔孫。都務罪。總着藉耶穌。替我受死。贖罪其功勞。隻憊得救。將換挪毛。伙該當多謝上帝。連耶穌救贖其恩麼。究其實。救世其代。落昧創造以前。上帝共耶穌已經約定。殼始祖犯罪。上帝毛就駛耶穌降世。等至所定其時候。殼然後隻降世。

歌曰

亞當罪孽重難容。

不得長居樂園中。

我等因他皆犯法。

一齊該受苦無窮。

幸蒙上帝慈悲念。

早想計謀救我躬。

遣子降生身代罪。

引諸信士到明宮。

第十一課

論救主降生

上帝預早決意。差遣伊仔降世。救伙。殼四千年後。耶穌果然降生。落猶太國。當昧降生以前。上帝託歷代先知。先講救主降生其代。乞伊曉的。伊雖然賣大明白。都望務一隻大名望。其稱做基督。剝梨救世。當亞當犯罪以後。上帝

正道啟蒙

第十一課

十

吩咐亞當連伊仔孫。常常着劊羔羊獻祭上帝。贖是指救主替人贖罪。其榜樣。故此救主雖然昧梨。凡務人曉的悔改倚藉伊。歸服上帝也。懺得救。務實信其人。上帝就賜聖神感化伊其心。盡力行善。死後就懺殼天堂。耶穌昧降生時。亞當其仔孫。千千萬萬。散去四處。葯大半失傳。上帝其道理。以致乞魔鬼迷惑。服事邪神。連創盡。恹呆其風俗。莽眈莽呆。中間雖然也務出聰明。其人曉的講究道理。總係八上帝也。毛方法。懺駛人得救。殼者地步。上帝就差遣伊仔降生。就投胎落一隻童女名羅馬利亞。者馬利亞是虔敬上帝。其人已經共約瑟做親。故昧過門。務天使出現。共伊講。只恹諸娘仔中間。汝務福阿。上帝揀選汝。懺生救世主。馬利亞聽見者話。就奇特講。我昧做新婦。冬那懺將換呢。天使就應伊講。聖神剝降臨汝。故此汝所生其。稱做上帝子。馬利亞聽見者話。就感謝上帝其恩。後來救主出世。約瑟奉上上帝其命。名伊叫做耶穌。耶穌二字是希伯來音。繙譯就是拯救其意思。我人出世。落耶穌降生以後。懺聽見福音其道理。是務福吓。着趕緊悔罪倚靠耶穌。一心服事上帝也。着將者道理。講乞別人聽。勸伊信耶穌。死後就懺齊享天堂其福氣。

歌曰

上帝愛兒未降生。

異端邪說徧橫行。

雖能窮理談人道。

脫罪良方竟未明。

上帝選民望不空。

忽逢救主降其中。

誰知不寄諸華貴。

特託貧家一女童。

第十二課

再論救主降生

馬利亞其唐晡約瑟聽見馬利亞務帶身心禮可疑想剝怀討伊上帝託夢共伊講汝着討汝佬媽過門怀駛可疑因伊帶身是感着聖神伊剝生仔汝着名伊耶穌因剝救伊百姓離去罪惡故此約瑟討伊過門照顧伊等殼救主出世約瑟共馬利亞本來是伯利恒人搬落拿撒勒耶穌毛着許塊出世是出世落伯利恒噴是應驗先知其話當許一時猶太國是屬羅馬國管轄羅馬皇帝降詔命百姓各歸原籍將伊其名姓記着册礼因此約瑟馬利亞都搬轉伯利恒許塊毛厝葑就去歇店店裏伙客歇滿去不得已落外斗馬房礼葑洛許塊觀觀救主出世那所在實在苦的極逢毛都毛就將者侂仔獲布包好放着馬槽者侂仔出世雖然是頂苦實在極尊貴無比伊共如

常其侂仔。大怀一樣。如常其侂仔都務罪。救主都毛罪頂清潔。故此隻鞋做通世間。仗其救主。上帝差遣伊仔降生。怀落富貴其人家。佛落窮仗其厝裏。剝駛伊一生受苦。贖我仗其罪。我仗應該感伊其大恩。佛務受苦。就着想救主替我仗所受其苦。心裏就賣怨恨。

歌曰

約瑟攜同救主娘。

登名籍册返家鄉。

因逢客店人居滿。

無奈棲身在馬房。

當夜聖兒生出世。

馬槽暫臥苦難當。

救人甘蹈艱辛境。

我主榮名萬世香。

第十三課

論牧羊其仗尋主

耶穌出世許一晡。離伯利恒毛箬遠。務仗落山頂牧羊。因者地方務野獸。盲晡出梨。儼殘害羣羊。故此着輪流看守。看守時候。忽然間務天使。趁天礼落梨。務光頂大。罩着各仗。牧羊其仗大驚。天使安慰伊講。怀駛驚。我將頂好其信息。報乞汝曉的。今日落大關其縣礼。替汝生者救主。就是汝仗所望其基督。汝仗去伯利恒。剝看見一隻細仔。包着布礼。放馬槽許裏。嚙汝着認做記。

號。正礼講時候，忽然間務眾天使，落半天讚美上帝講救世主降生。在上榮耀歸着上帝，在下和平。僕儂受恩典吓。講完眾天使都上天去。養羊其伙齊商量講，上帝明明指點我者代，佢着去看。就趕緊去伯利恒，落客店馬房。礼果然務一隻細仔，獲布包礼。放馬槽許裏。共天使所講其話，毛差一滴仔。馬利亞約瑟都着許裏，只晒養羊其伙。就將天使出現所論救主其代，講乞伊聽。養羊其伙，就去各處場傳者代。眾伙聽見就大奇特。馬利亞將者話記着心礼。我想者養羊其伙，一定是敬愛上帝。晡時頭看守羣羊，都是思念伊其恩。故此儂先見着救主，將換看起梨。就曉的上帝看待伙，毛二樣其心，不論富貴貧賤其伙，佢務實心敬上帝。上帝就厚待伊。

歌曰

山野牧人夜看羊。

空中忽見大輝光。

下來大使嘉音報。

基督降生大闢鄉。

又聽天使眾謳歌。

讚美稱揚帝德多。

差遣聖兒來救世。

萬民倚賴沐恩波。

第十四課

論博士拜主

耶穌出世時候。務幾隻博士。自東方來。猶太討耶穌。我想者博士都是曉曉的天文。故此上帝獲一粒星現出。指點伊各伙。曉的落西方。出一隻國王。伊各伙看見只粒其星。就跟者星。來。猶太國其京城耶路撒冷。倘許塊其伙。講。務一個伙出世。將來做猶太國其王。着冬那。我各伙落東方。看見伊其星。特意來拜伊。者話傳。希律王其耳。就頂驚。百姓聽見也驚。希律王就召那熟識聖經其伙。倘伊講。憑先知講。基督應該着冬那出世。伊應講。着猶太伯利恒。希律王聽見者話。就召博士來。共伊講。新其國王出世。落伯利恒地方。汝莽去許塊尋討。討着就來報共我講。我也剝去拜。者博士奉王其命。就去伯利恒。打聽是佛一主。忽然間許一粒其星。現出。伊大歡喜。全藉者星引路。引殼救主所藉其厝。一入去。看見救主。就跪下拜伊。伊獲黃金。乳香。沒藥。只幾件禮物獻乞伊。博士見着救主。剝去報乞希律王。八傳。許一晡上帝託夢共伊講。莫去見希律。伊就趁別路轉去本地方。將換看起。伊耶穌出世。不特猶太伙曉的。就是遠塊其伙也。八傳。來查個者代。尊伊敬伊。顯明救主。不止那枚猶太一國。是救天下萬國吓。

歌曰

上帝差星指道途。

引諸博士見耶穌。

黃金香料齊陳獻。

跪拜誠心一片輪。

天使夜間明指示。

戒他切莫返京都。

遂從別路回東域。

王望多時報信無。

第十五課

論希律王謀劊救主

希律王吩咐博士討着就梨報乞我曉的。我也欲去拜伊其心實在你是欲去拜救主。卽是剝想劊救主。博士乞上帝指點就直頭轉去。并休回報。希律王等許昕毛回信。大駛性。就撥喇兵去伯利恒。將那地方所有侂仔。自二歲以下。都劊去。伊想耶穌的的也在內。到曉的救主已經躲避去了。原來上帝託夢共約瑟講。希律王剝劊者侂仔。汝趕緊起梨。帶汝佬媽連侂仔走去埃及。及約瑟就起梨。帶侂仔共伊佬媽走去埃及。歇許塊。毛箬昕希律王死去。上帝只託夢共約瑟講。欲劊侂仔其伙死去了。汝莽帶汝佬媽連侂仔轉去本國。伊就轉去。聽見希律其仔。做猶太國其王。只毛敢去伯利恒。就轉去拿撒勒。耶穌拿撒勒殼長大。希律劊侂仔時候。伯利恒其伙都啼悽慘。伊做者

殘忍其代。害救主。害賣成。那是自家加罪。死後去受刑罰。可見上帝所保護其伙。雖遇着危險。也可以安穩。不駛驚。

歌曰

惡王無故殺兒嬰。

伯利恒中徧哭聲。

誰料聖兒先遠避。

害他毒計總難成。

人間或遇大災殃。

上帝維持總不妨。

晝夜蒙他常保佑。

干戈水火豈能傷。

第十六課

論魔鬼試耶穌

耶穌蒞落加利利省。拿撒勒鄉。設長大。伊自細就敬愛天父。孝順雙親。智慧聰明。漸漸進益。伙都歡喜。伊約瑟共馬利亞。雖然是大闢王。其後裔窮的狠。約瑟做木匠度生。奴想耶穌年輕其時候。也跟約瑟做工夫。伊做卑賤其樣式。乞我學。教我伙。不遜高傲。莫貪世間其榮華。做伙着順上帝。其命令。安分守己。主設三十歲。欲出去傳道。先乞聖神引。設曠野。讓魔鬼試。着許塊。務四十日。都毛食。魔鬼趁者機會。就梨共伊講。汝是上帝其仔。帶駛餓。將其伙。獲石頭變做餅呢。耶穌應講。伙。能活。伊是。那藉者餅。是着藉上帝其命令。許一

時天父欲耶穌受只晒其苦。伊毛敢想剝免去。魔鬼見耶穌的的。伊從。伊想一樣梨試伊。邀伊上耶路撒冷其大殿上勢者。殿是起着山崖。魔鬼對耶穌講。汝哪是上帝其仔。莽跳下。伊駛驚。因聖經務講。上帝吩咐天使護汝。膠賣碰着石礼。耶穌也。伊從伊。應講。伊通試上帝。意思講。雖然上帝應許保護我。也。伊通毛緣故。莽冒者危險。望上帝憐救我。魔鬼見耶穌。伊從伊。就帶伊。殼一個頂高其山。霎時間。將天下其榮華富貴。乞伊看。共伊講。汝肯拜我。我就一總都乞汝。耶穌應講。聖經務講。應該拜主。汝其上帝。伊服事伊。魔鬼殼這時候。無計可施。就離伊去。天使梨服事伊。者代是顯明耶穌德行全備。憐。憐魔鬼做的。我伙其救主。魔鬼時常獲世間其名利富貴。誘惑我伙。我伙剝。贏伊。着記聖經許裏講。吓。親近上帝。上帝就親近汝。抵敵魔鬼。魔鬼就遠離。汝只二句話。究竟伙欲抵敵伊。着一心藉救主幫助。伊通藉自家其力量。才能也。着學耶穌引聖經其話破伊。就賣落伊其圈套。

歌曰

主在荒郊與獸同。

邪魔設計害恩公。

樂園始祖曾迷惑。

曠野耶穌或可蒙。
至京殿頂高堪怕。
榮華富貴樂無窮。
願受艱辛無苟免。
天使下來喜奉崇。

腹餓四旬無可食。
要主妄行跳半空。
誰知我主德全備。
順從天父一心忠。

誘他化餅把饑充。
引到山巔觀世界。
蜜語甜言總不從。
鬼王慙愧遂離去。

第十七課

論救主傳道

耶穌乞魔鬼試完。聖神充滿伊其心。就轉加利利。去各處傳道。伊務大才能。那駛發一句話。各樣其病就好去。邪鬼也離去。主傳道教伙八上帝。愛世人也。務解說上帝其律法。欲伙悔悟自家其罪。講上帝剝立伊其國。落世上。着趕緊悔罪改過。那者國共世上所立其國。伙一樣。是立落伙心裏。伙肯悔罪歸服救主。就是大國其百姓。主講道理。或落會堂。或落海邊。或行徧各城各鄉。教伙。伙辭勞苦。聽伊講道理。其伙頂心。做伊其門徒。務幾白伙。中間主揀十二個伙。稱囉使徒。就是彼得。安得烈。雅各。約翰。只一幫。伊其名字都記落聖經許裏。使徒時常落主身邊。深曉的主其代也。明白主其道理。故此後來

儼替主做見証。有時主命伊出門傳道，是二個伙做一帮。主賜伊權柄，也儼醫病逐鬼。者十二伙中間，彼得約翰共伊其兄弟是討魚。馬太是跬稅館。一大半都是毛學問。蒙主教訓，連受聖神感動，就大聰明也。儼傳道著書，主共門生去傳道，碰着盡晒其苦。有時毛厝葯，有時饑餓，有時乞伙誹謗侮慢。故務一種假好其伙，時常共主做仇敵，剝害主。那者各處其百姓，都歡喜伊其道理，務伙帮伊錢，務伙請伊食也。務伙請歇伊厝裏，只晒門生跟主，受聖神感化，品行比從前大怀一樣，甘願共主齊受苦。主雖然是上帝子，盡謙虛仁愛，滿心都是可憐伙，待伊其門生，就像兄弟一樣。門生也十分敬伊愛伊。

歌曰

耶穌傳道乃離家。

走徧山巔與水涯。

十二門生同伴去。

行踪無定苦交加。

主待門徒恩德宏。

視如朋友弟同兄。

本來雖是愚蒙輩。

隨主耶穌變睿明。

第十八課

論耶穌頭一回行異蹟

主傳道時候，做頂晒奇特其代，顯明伊是上帝子。頭一回行異蹟，是著迦拿

救主亦如天造物。用之得當又何妨。

第十九課

論耶穌屢次行異蹟

耶穌駛水變做酒後，故務做野廝異蹟。傳道其時候，務盡廝病伙梨，求伊醫。耶穌都替伊醫好。所醫其病廝的狠，伶莽試講一二件。務一回，主落落路中，禮行，盡廝伙跟伊，務喇瞎子，聽見耶穌經過，就大聲呼講，主，可憐我。務伙攔阻伊，伙乞伊呼，伊越大聲呼。主跬禮等伊梨，倘伊欲世毛，伊應講，我欲日明。儼看見，主講，因汝務信，伶儼好，儼將換日明，就儼看見。伙一日，務喇上癩，跪禮求耶穌講，主，儼肯，我癩就儼好。主講，我肯，就獲手摸伊，伊癩即刻好去。伙一回，務一隻耳聾連病啞，求主替伊醫。主駛手指插伊耳禮，駛灑抹伊嘴舌，講，伶儼好。者伙耳就儼聽，嘴也儼講。務一日，主着會堂禮，許塊務一隻諸娘伙，駝背十八年，主看見可憐伊，駛手一摸，者伙其背就儼拔直。主不止儼醫伙其病，伙死去了，主也儼駛伊伙活。務一日，殼拿因城，碰着扛一個死伙去埋。者死伙其娘奶是寡居，儼只一隻仔，伊娘奶跟後斗啼的悽慘。耶穌看見可憐伊，叫伊毛啼，就行近扼者棺材，其俚講，妮仔，我命汝起梨，死伙就起梨也。

鞋講話。伊娘奶看見大歡喜。衆人也都大錯愕。因此耶穌其名聲傳揚四處。主醫人病。救死。人。活。也。務是主遇着。發慈悲。其心替伊醫好。也。務是伊信主。梨求主。我想許一時。務盡。病。其。人。死。其。人。味得主其恩。或是主味遇着。或是伊味求主。我人。人。也是者樣。耶穌雖然欲救我。我。人。人。信伊。人。求伊。也。毛擔當得救呵。

歌曰

耶穌功德徧羣倫。

百病求醫著手春。

死者令他多復活。

癱瘋運動癩離身。

耳聾忽聽暗能語。

瞽目通明駝背伸。

種種異能難盡述。

頌揚我主極慈仁。

第二十課

論耶穌赦人罪

務一個。人。名叫西門。是富人。請主去伊厝。禮。外。面。務。些。須。禮。貌。心。裏。實。在。昧。大。信。食。時。候。務。一。隻。諸。娘。人。本。來。是。不。正。經。聽。主。其。道。理。就。退。悔。自。家。其。罪。曉。的。主。落。西。門。厝。裏。就。入。去。跬。主。背。後。啼。嘛。日。滓。滴。主。其。肢。禮。猶。太。國。規。矩。上。席。時。候。坐。着。長。椅。將。二。個。駝。穿。着。背。後。故。此。者。諸。娘。人。其。目。滓。鞋。滴。着。

主其肢禮者。諸娘伙就獲頭髮去拭。仅獲嘴蒸主其肢。掏一玉盒香油塗伊。西門看見者樣。想主賣曉的伊是怀正經其伙。若使儻曉的。一定怀准伊將換。主曉的西門其意思。就對伊講。西門比喻一個財主。務二個伙欠伊其錢。一隻欠的恁。一隻欠的少。二個伙都毛擔當填。者財主就都怀值伊填。汝想第一隻感恩故恁。伊應講。欠的恁其。主就講。汝講的是。就將西門共者諸娘伙待伊。掏梨比較。對西門講。我梨汝厝裏。汝毛掏水乞我洗肢。者諸娘伙獲香油塗我其肢。獲頭髮拭潔。汝毛共我蒸嘴行禮。者諸娘伙獲嘴蒸我其肢。汝毛獲香油抹我其頭。者諸娘伙獲香油倒我其肢。主意講。者諸娘伙雖然罪惡頂恁。都赦去了。故此頂愛主。西門想自家毛世毛罪。心裏驕傲。故此待主也。毛十分周密。許一時。主就對諸娘伙講。汝其罪赦去囉。同席其伙私下講。只一隻世毛伙。儻赦伙其罪呢。主共者諸娘伙講。汝務信儻救汝。汝伙平安轉去。將換看起梨。我伙肯悔改倚靠主。罪雖然頂重也。儻得救。心裏那驕傲怀信。罪雖然頂輕也。毛擔當得救。若使我蒙主赦我其罪。我一定着感伊其恩。一心愛主。學者諸娘伙一樣。

歌曰

西門請主到家中。

總是內心未奉崇。

洗足膏油皆未有。

讓他食飯亦無功。

婦人敬主立身後。

流淚傾油在主躬。

痛悔前非蒙赦免。

吾儕則效沐恩隆。

第二十一課

論主駛風浪平靜

耶穌常常落加利利海邊傳道。有時也務落船。禮傳道。眾伙落岸頂聽。務一日。叫門生共伊齊渡過海。肘肘船駛。殼海洋中。忽然狂風作浪。滿船都是水。危險的狠。許一時。耶穌因辛苦。着船尾。禮困。彼得約翰各伙。本來是討魚。行船。其代是頂熟悉。殼只一時也無奈何。就梨叫主清醒。講我各伙剝死囉。主伙救麼。主就起梨。喝者風浪。講安靜吓。風浪就平靜去。主就對門生講。汝各伙將其只滿驚。將其伙信呢。各伙大驚。講伊是也。七伙囉。風共海也。服伊。耶穌渡過海。碰着風浪。伙是賣先曉的。實在。是獲者危險。試門生其心。教伊伙論世。七代。都着倚靠主。臨危時候。主困着也。伙是賣曉的。欲門生懇求。隻肯救伊。比喻我伙曉的。務罪頂重。驚沉淪地獄。那伙信救主的。的賣得救。就着

懇切求伊像門生一樣。只比喻因做主其門生，順從天道，受伙迫害，就像遇着風浪也，吓駛大驚。那一心倚靠主，切切禱告，自然保護我，儻得平安。

歌曰

耶穌渡海遇風波。

將溺門徒喚奈何。

呼主醒來相拯救。

試他保護語非訛。

誰知我主一聲發。

浪息風恬險境過。

船上眾人同跪拜。

果然帝子異能多。

第二十二課

論睚魯其諸娘仔仗活

務一個管會堂其伙名囉睚魯，跪耶穌面前，懇求伊講我，那只隻諸娘仔，現在十二歲，病剝死囉，求主去摸伊，就儻好。主就共伊齊去，行殼半路，遇着睚魯其厝裏伙，共伊講汝其諸娘仔死去了，莫勞動先生。伊賣曉的主其權能，看伊共醫生一樣。主共睚魯講，吓駛驚，那信我，一殼伊厝裏，看見眾人啼悽慘，主就講，吓駛啼，諸娘仔是困着，吓是死，眾人笑伊，講明明死去了，儻講困着，主就吩咐眾人出去，共三個門生，連諸娘仔其罷奶，入去房裏，主就牽諸娘仔其手，叫講諸娘仔起梨，伊就還魂，儻講話也儻行。主就叫伙掏毛乞伊。

食吩咐各伙莫共伙講。伊罷奶大歡喜，仗奇特的狠，想頭先笑主其伙，一定小禮。主將其吩咐伊莫共伙講呢，我想或是驚伙擠恰恁，誤傳道其工夫。或是驚仇敵毀謗主，誘惑百姓，就鬧出事梨。

歌曰

跪主面前睚魯求。

告知孤女命將休。

耶穌速速來醫治。

屋內多人泣涕流。

主言他睡人皆笑。

一喚女兒豁兩眸。

妄笑之人時愧恥。

於今始信主恩優。

第二十三課

論五餅二魚飽眾

耶穌落加利利海邊傳道，務一回伙盡恁。主傳道連醫病，毛閒的狠，餘都毛的去食。就共門生講，我伙渡過海，去曠野許塊歇一刻古。主去許塊，你是個欲歇息也欲祈禱。許一時共門生就上船，渡過海者海雖然叫囉海，實在個是湖。眾伙看見主去，就趁岸環去許塊等伊。主一上岸，看見眾伙，就替伊可憐也，你嫌恰吵伊，仍原替伊醫病，講道理乞伊聽。做務許听，門生共主講，只塊是曠野時候已經遲了，請主分發眾伙散去。因者位處毛毛食也，毛塊歇。

主講。汝各伙拘毛乞伊食。門生講。冬那務許晒毛。乞只晒伙食呢。就務錢也。毛塊買。主講。現在務餅箸壞。門生講。那務五塊連二頭魚。主吩咐眾伙坐青草礼。或一排一百伙。或一排五十伙。主就掏五塊餅二頭魚。對天祝讚。然後將餅擘開。交乞門生。吩咐伊分乞眾伙。二頭魚也將換。都食飽。收拾魚共餅碎。故貯十二籃滿滿。汝想務箸晒伙食呢。諸娘伙共侂仔侂算。務五千伙。主做者代。怀比世間行邪術。其駛避眼法。騙伙。噴實在。是用上帝其權能。駛少變多。仅因眾伙跟主。殼曠野專心聽道理。主就可憐伊。驚伊伙腹老空轉去。一路辛苦。故此造出只晒毛乞伊食。並怀是常常將換做。叫伙懶惰。想聽道理。就務飯食。魚共餅味。分乞眾伙。主先共天父漢謝。我伙食其時候。也着學者樣多謝上帝。

歌曰

救主無閒暇。將身曠野棲。眾伙看彼去。遠遠步行隨。聽道都歡喜。
清晨至暮時。未歸皆腹餓。無計可充饑。餅五同魚二。耶穌分派伊。
五千人食飽。實在甚希奇。魚餅還多剩。囑徒收拾之。滿盛籃十二。

可憐伊講諸娘伙吓。汝務大信。懃懃憑汝其願。自者時候。伊諸娘仔就好去。看主待者倪仔。凡少年其都該倚靠主。望伊祝福。看主待者諸娘伙。就曉的主。昧卽刻准我所求。並你是聽我。實在是欲我更信。更懇切求伊。後來一定懃蒙伊恩。○以色列就是猶太國。主講奉上帝其命。梨。卽是因以色列其伙。只一句話。你是講耶穌。你是做萬國其救主。是因伊本身毛去別國。卽是落以色列一國。講道救伙。等殼。仅活昇天時候。主吩咐門生去普天下傳救世其道理。可見伊也是做萬國伙其救主吓。

歌曰

婦人親近主。	攜帶小嬰孩。	徒弟相攔阻。	主言大不該。	忙將雙手抱。
恩典亦優哉。	說學兒童者。	天堂准進來。	昔有迦南婦。	女兒被鬼纏。
前來求我主。	懇切望他憐。	因主初無允。	哀求志愈堅。	至終如婦願。
歸去病都痊。	我輩祈求主。	宜如此婦然。	學他誠切禱。	必得福綿延。

第二十五課

論主教門生祈禱

耶穌常常祈禱上帝。有時自家一個伙祈。有時共門生齊祈。務一回主祈禱。

完門生求主教伊祈禱。主就念幾句教伊講。奴各伙其天父着天礼。願汝其名成聖。願汝其國就懽興旺。願汝其旨意通行。着地共着天礼一樣。日用其糧草。求汝今日賜奴。奴赦別伙其罪。求汝也赦奴其罪。莫駛奴遇著誘惑。著救奴脫離兇惡。因國共權柄榮耀。都屬着汝。至萬萬世。實心所願。噴也稱做主。其祈禱文話。雖然俚幾句。意是頂大。恰莽約畧解說者意思。頭一句講。奴各伙其天父。噴是世毛意思呢。是教我伙親近上帝。着像仔伢親近郎罷。因我伙生落世上。是蒙天父保養。故此着一心倚靠伊。着天礼只三字。是講上帝着天頂尊貴。我伙着地極卑賤。親近伊也着務虔敬其心。願汝其名成聖。只一句。是願萬萬伙都曉的。尊敬天父。其名是至聖。汝其國就懽興旺。是願天國設立。落伙心裏。伙伙都歸服天父。願汝其旨意通行。著地共著天一樣。是講天頂只恁其天使。都順服天父。其命令。願地上其伙順服伊也。共天使一樣。日用其糧草。求汝今日賜奴。是講養活其毛。都是上帝所賜。望伊日日賜我毛缺。奴赦別伙其罪。求汝也赦奴其罪。是講我求上帝赦我其罪。我也着赦別伙其罪。比喻務伙得罪我。我休肯赦。冬那懽望上帝赦我呢。莫駛奴

吾儕之父在天庭。
地如天上旨遵行。
我赦他人諸過失。
惡鬼兇人願不迎。

至聖端宜副爾名。
身軀軟弱需糧食。
切求赦我罪非輕。
國度權能榮耀共。

願爾國臨於世界。
望父隨時賜養生。
保予不入迷蒙路。
皆歸天父世無更。

第二十六課

論耶穌預言死其代

耶穌講上帝其道理頂好。醫人病盡。應該人人敬重。伊保存意。務一幫人。單倒嫌恨。欲害伊者。人就是耶路撒冷。其祭司長共讀書人。伊嫌恨主。是因也。毛代呢。伊想基督。梨一定務國王。其款式。大威風。大權勢。見主窮苦卑賤。伊其門生頂窮。仅毛學問。就大失望。主講道理。多的責伊其鄭。連伊暗柄所做其呆惡。故此大怀歡喜。見百姓仅都歡喜。主驚後來都歸着主。怀尊敬伊。恨主就更深。仅聽主自稱做上帝。其仔更駛性。主雖然做許。恁奇特其代。做做的証見。伊總怀信。時常齊商量。設計害伊。那救主由天。礼降世。本來是替人受死。也先曉的將來。所遇着其苦難。連者仇人。剝將樣害伊。務一日共門生講。我去耶路撒冷。人就將我賣。乞祭司長共讀書人。定我死罪。解乞異

邦其伙。受伊戲弄。凌辱。鞭打。灑唾。面礼。煞尾釘落十字架。至三日我的的伙。活。門生聽見者話。就大失望。彼得共主講。賣駛的。那願毛者代。主聽彼得其話。就像撒但攔阻伊。欲伊背上帝其命。憑世間伙其情。就責備彼得。叫伊係駛將換講。當主剝受害時。務一日落耶路撒冷講道理。許晒其仇敵。擣石剝拍伊。欲拿伊。那時候昧殼。就拿賣梨。主看者式。就暫避落僻其地場。共門生落許塊齊葑。○異邦其伙。是指羅馬國其伙。落猶太做官其。

歌曰

耶穌萬事總先知。

早說身將到死期。

彼得聞言稱不可。

眾徒思念覺傷悲。

順從父命心無變。

救我罪人志不移。

復活昇天榮耀位。

萬民倚賴享鴻禧。

第二十七課

論拉撒路仅活

伯大尼其地方。務喇伙名拉撒路。伊共姐妹都信耶穌。歡喜主其道理。者地方離耶路撒冷毛箬遠。主去京城講道理。常常歇伊許塊。主頂愛伊。當主避難時候。拉撒路忽然患病。頂危險。伊其姐妹。叫喇伙梨耶穌礼。講主所愛其

伙。現在得病。請主就着去。主聽見毛卽刻就去。耽擱務二日。就共門生講。我
伙再去猶太門生講。前日猶太伙。掏石剝拍汝。汝伙故剝去吓。就頂奇特。那
主欲去也。務緣故。懺曉的去也。毛害。就講。好像日中行路。伙駛驚跋倒。主共
門生。殼伯大尼。拉撒路死去四日。已經埋葬墓礼。主殼許塊。故昧入鄉。先駛
喇伙共伊姐妹漢。伊姐妹一八傳主梨。就出去接。一見着。就講。主若使早幾
日梨。我兄弟就賣死。伊賣曉的等拉撒路死去隻梨。是剝叫伊伙活。主講。汝
兄弟的的伙活。伊姐妹那漢的煞尾日。萬伙伙活時候。伊兄弟也伙活。伙想
現在就剝伙活。就啼的悽慘。主見伊姐妹者樣悲傷。就也啼。共衆伙齊殼墓
礼。者墓是一箇洞。上勢務一塊石遮礼。主叫伙翻起者石。伊姐妹講。現在死
四日了。身屍懺臭。伙通翻起。主講。汝那深信。伙駛可疑。石翻起。主仰起。覷天
祈禱幾句。就大聲呼講。拉撒路出梨。伊就伙活。主吩咐伙。將伊身礼縛其布
解起。乞伊好行。伊姐妹歡喜的狠。衆伙因者代。務晒伙信。主是基督也。務伙
獲者代報乞主。其仇人八傳。伊一聽見。就更嫌恨主。想剝快快害伊。主起先
昧卽刻去醫拉撒路其病。等伊死了。然後救伊伙活。更懺顯明主其才能。伊

姐妹見主昧梨，那漢的主，懷愛伊。以後駛伊，伊活，就曉的主遲梨。見伊其恩更大。比喻我，我務世毛苦，一心倚靠主，望伊救。伊那毛，即刻就救我，也懷駛可疑。殼以後的，的得福故大。

歌曰

鄉中姐妹信耶穌。

兄弟忽然病染軀。

請主來醫行未到。

他身已死共哀呼。

墓門引主親觀看。

大喚一聲命復甦。

自此多人加篤信。

稱爲帝子果非誣。

第二十八課

論主尾回殼京城

耶穌救拉撒路，伊活以後，就再去僻其地方，躲避仇敵。殼主受死救伊，其時候近囉，就伊上去，耶路撒冷，只一回上去，比從前不同。門生曉的危險，務些須毛，敢去其意思。主一心欲成天父其旨意，落伊門生前斗，先行，比往常行故快。門生看見者樣，伊驚伊奇特。礼行時候，主打發二個門生，共伊講，汝去前斗勢，鄉村，鞋碰着一頭驢仔，羈礼，就解起牽梨。務伊們汝，牽驢做世毛，汝就講，主刹駛者，伊一定肯乞汝牽梨。門生憑主其吩咐，就去，果然碰着一頭

驢、羈禮、驢主也。歡喜乞伊牽去者。驢牽梨毛鞍，門生將自家其衣裳，舒驢背禮扶主騎者。鄉名伯法其，離京城毛箬遠，那務幾里。百姓曉的主救拉撒路，只活一聽見伊犁，盡個伙出去接伊，歡喜的狠。眾伙敬伊共敬國王一樣，將自家其衣裳鋪着路中，乞主趁上勢行過也。務伙砍模枝鋪路中，遮地下其盪塵。前後其伙大聲讚美，認伊做基督，稱伊做以色列其王。殼入城，城裏其伙都錯愕，只歡喜的狠也。務一陣其伙讚美主，講大闢其仔孫萬福吓主。其仇敵看見者樣，就更嫌恨，只毛敢拿主。聽見伙將換讚美主，就頂伙歡喜，叫主禁止伊。主講伙仔所讚美，是應驗以早先知其話。汝伙挪毛味讀著麼。主往常傳道，都是步行，那只一回騎驢，噉是應驗先知其話。講以色列其王基督梨，是騎驢仔，也是表明救主，頂謙虛溫柔，伙欲粧做威風其樣式，乞伙驚畏伊。

歌曰

耶穌末次到京城。
多人歡喜唱歌迎。

彼日騎驢一路行。
兒童眾口稱基督。

百姓將衣鋪在路。
仇敵攔伊莫出聲。

蒙昧未知經所說。

主憑童語顯榮名。

第二十九課

論主逐做買賣人出殿

耶路撒冷務一欄聖殿。是拜上帝其所在。起的十分華麗。造務四十六年。隻完。主穀城裏。就入者殿講道理。務盡恁病人。梨求伊醫。主都替伊醫好。主看見務做買賣其換錢其落許塊。就逐伊出去。將其殿裏務人做買賣呢。因者時候。人梨拜上帝。務駛牛羊白鴿獻祭。貪利其百姓。就落許裏賣只恁其毛。連換錢。故此也。務換錢其桌者聖殿。就變共街市一樣也。務莽講也。務騙人。救主看見賣忍的去。就獲索仔一條。做鞭逐伊出去。將椅棹都推倒。講聖經務講上帝殿。是萬民祈禱其所在。汝人將者所在。當做賊窩一樣。百姓也曉的自家所做其是。你合理看主者樣也。毛敢違背。主其仇敵。毛擔當講主做者代是務錯。那是駁伊毛者職分。你該操者權柄。故此個主。到底是係人獲者權柄。乞汝做者代。主就獲一件代。反問伊。伊毛毛應。就都散去。我想伊人落許塊。做買賣。在伊想也是好代。人欲買獻祭其毛也。你駛去別塊買。豈不是極便。你想伊人實在是貪心。若使我人。務你好其意思。外面裝做好其樣。

式主已經看破了。一殼受伊責備的的。鞋小禮。○當時伊獲頭牲獻祭上帝，都是指將來救主贖罪其代。故此殼救主降世贖罪其功勞做成拜上帝其伙。伊駛再獻祭。伊實心悔改。藉主功勞。就鞋親近上帝。將來靈魂也鞋得救。

歌曰

殿內耶穌講道時。

多來病者共求醫。

主將聾瞎諸般症。

醫治都痊德普施。

帝殿原來祈禱地。

民人買賣不相宜。

用鞭逐出貪財輩。

懼主威嚴莫敢違。

第三十課

論惡徒猶大

耶穌十二使徒中間。務一隻名囉猶大。是加畧伙。伊本來做世毛代。務箬壞歲。聖經味記毛塊查。伊跟主傳道也。務醫病逐鬼其權柄。共十一隻使徒一樣。伊外面欸式是野好。別隻門生都看伊是好伙。或且伊務本事鞋辦事故。此主共門生其錢。都交付伊料理。伊本來是貪心。有時私下莽掬去駛。各伙都賣曉的。主尾回去京城。先殼伯大尼鄉村。務一個伙。請主共門生去儉。死去儉活其拉撒路也。着禮。儉其時候拉撒路其姐妹。名馬利亞就梨。掬一

玉盒其香油塗主其頭共肢。噉是敬伊其意思。猶大看見就講將其將換浪費。倒不如將者油賣去。所得其錢。掏梨賙濟窮人。故好。伊講者話。你是實心欲幫窮人。那是想者錢交乞伊。就鞋從中取利。猶大講浪費。是明明藐視主。故此主責備伊。講者諸娘人將換待我。賣算是過份。自者時候。撒但趁者機會。入猶大其心。誘惑伊。猶大想者錢得賣梨。乞主責備。心裏十分不服。就去見主其仇敵。共伊商量。剝獲主賣乞伊。只晒呆人。大歡喜。應承猶大三十兩銀。猶大就乘機會。帶呆人梨拿主。將換看起梨。貪心是極利害。猶大起先暗柄偷駛眾人其錢。後來就大膽賣救主。良心都喪盡去。噉鞋做戒。大凡做主門生。休通貪利。利心一起。漸漸就逢代都做。看者猶大鞋做的憑據。

歌曰

我主當年十二徒。

內中猶大與人殊。

同儕錢袋他經營。

竊取人財作已須。

往與仇人相定計。

暗中賣主把銀圖。

貪心漸大終遭報。

背主隨爲撒但奴。

第三十一課

論主替門生洗胶

耶穌尾回殼京城。覩覩是做大節其時候。只喇節名囉逾越節。只叫做除酵節。當者節着劊羊仔。儉者節酒。是記念古早上帝救伊祖宗出埃及國其代。殼者節期。主吩咐二個門生講。汝去城裏碰着一個伙。拈喇水瓶就跟伊殼。伊厝裏共伊主伙講。我主剝落汝只塊儉節酒。主伙一定帶汝去看一個大樓。樓頂椅棹杯盤都務。落許塊預備酒席。門生入城果然碰着。照主所講其話。一滴仔毛差。就落許塊預備。殼半晡主共門生齊落許塊儉者節酒。儉其時候。主就離者位。掏一條手巾。縛腰礼。捧一盆其水。共門生洗胶。只掏手巾替伊拭。洗殼彼得。伊想毛敢當。共主講。賣駛的。主應講。我所做其。汝現在賣曉的。後來隻懺明白。彼得仍原怀肯乞主洗。主講。我怀替汝洗。汝賣算的是我其門生。彼得見主將換講。就講。頭共手也洗。就是囉。主應講。汝身體已經潔了。那駛洗胶。汝各伙都是清潔。那中間務一隻故昧清潔。洗完。主只坐礼。對門生講。汝各伙稱我做先生做主。者話也毛鄭。我做先生做主。替汝洗胶。汝伙應該齊相洗胶。學我者式做。就務大福氣。猶太伙出街轉梨的。着洗胶。主伙接待伙客也。着掏水乞伙客洗。主替門生洗胶。另外務深其意思。表明

洗潔伊其罪。門生信主其時候，就蒙主赦罪了，好像者身洗潔一樣。那後來一發故務過失，故此故着替伊洗。耶穌是上帝子，極去尊貴，肯做者卑賤其代，顯明伊是謙虛仁愛的狠，我伙信主，學伊其樣待伙，福氣是頂大吓。

歌曰

我主居鄉在節前。

派徒城內去開筵。

主伙歡喜將樓借。

棹椅杯盤各件全。

取水替徒來濯足。

內中彼得不心便。

豈知不洗非徒弟。

親愛無驕理固然。

第三十二課

論主指明惡徒

主共門生儉節酒時候，心裏愁悶的狠，講汝中間務一隻伙，剝將我賣乞呆伙。門生聽者話，都錯愕，賣曉的是徒弟。故此照隻個主講，是我麼，是我麼，猶大想衆伙都個，那我一個伙伙個，回分明是我，故此強勉也個講，是我吓伙。是主應講，正是衆伙伙想是猶大，或且主味講清楚，故此各伙仍原賣明白。約翰是主頂愛其門生，坐落主身邊，彼得偷得叫約翰個主，到底是徒弟。約翰就細細聲個主講，是徒弟。主講，我掏菜搵濫一滴仔乞伊儉，者伙就是桌。

礼務一碟其醬。主就掏菜搵者醬。乞猶大儉。仅共伊講。汝欲做其代。趕緊去
做呵。猶大就出去。門生賣曉的主。共伊講者話。是世毛意思。務伙想是吩咐
伊買過節其毛。或是掏毛。賙濟窮伙。猶大雖然曉的主。八傳伊所做其代。心
硬的極。直頭殼仇人許塊。帶伙梨拿主。眾伙毛可疑。是猶大賣主。看伊外貌
是頂好。故此看賣出。我伙務做呆代。遮掩伙乞伙。八傳總賣瞞的主。故此務
罪就着悔改。趕緊求主赦免。怀通學猶大者式。以致自害自。

歌曰

主說有徒賣我身。

是予不是各詢頻。

後來詳詰方明告。

蘸醬他餐即此人。

主謂惡徒忙去做。

眾疑買物或帮貧。

誰知猶大良心喪。

捉主成功想索銀。

第三十三課

論主設晚餐

節酒儉完以後。耶穌掏餅共葡萄汁。比自家其肉共血。講毛箬聆。我其身破
去。我其血流出。替眾伙贖罪。就祝謝天父。掏餅共葡萄汁。分乞門生儉。叫伊
以後。常常聚集落一堆。儉餅共葡萄汁。記念主也。應該代代將換做。直頭等

主再梨。者禮是設落。瞑晡其時候。故此叫囉主其晚餐。儂完。主共門生。唱詩讚美上帝。以後共各伙齊出去。穀城外橄欖山地方。許一晡主剝離別門生。講務。晒道理。安慰門生其心。勸伊伙伙通。因主釘死。就大苦。講伊死去。毛箬。吓懨。仅活。仅講。我上天去。穀天父面前。替汝預備一所在。乞汝以後。共我齊。蔣。勸伊。因主其名。受伙迫逐殘害。也伙通。矢志喪膽。應承差遣。聖神落梨。助伊大膽。信主。賜伊智慧。充滿伊心裏。常常毛離。仅共門生講。今晡汝各伙的。的棄我。毛敢認我。應驗聖經所講。我拍牧羊其伙。一羣羊就散去。門生聽者。話。都講。毛敢負主。彼得比衆伙更迫切講。衆伙棄汝。我斷斷伙棄汝。主共門生。居多。聚集落橄欖山。其菓子園。猶大曉的。報乞仇敵。八傳預備梨。拿主。○者晚餐。其餅共。葡萄汁。是比喻主其肉共血。儂者餅共汁。是教我伙曉的。那伙倚靠主。受死贖罪。就賣得救。好像伙儂。就難免饑渴其苦。

歌曰

耶穌餐席後。擘餅與門生。說此子之肉。千年可證明。汁斟分賜衆。
囑飲弟同兄。紅汁猶身血。血流定約盟。路中方告訴。捉我在黃昏。

羊牧身遭害。

羊羣必散奔。

西門言且誓。

不負主洪恩。

猶大同兇黨。

來圍在菓園。

第三十四課

論主着園乞仇人拿去

橄欖山務一個菓子園。名叫客西馬尼。許一晷。主共門生出城去。許塊。主那帶三個伙人去園裏。心札頂苦。就共伊講。我苦的極。差不多剝死。汝各伙着清醒祈禱。你通困着。主自家就進前。伏地札求天父。講。那懺免的者苦。就免去。究其實。你係憑我所欲。是憑汝所欲。主三回將換祈禱天父。莽求莽迫切。心裏苦的狠。一身都是汗。好像血一樣。滴地下。三回梨門生札。見伊都困着。主就做戒門生。着清醒祈禱。驚伊懺受誘惑。主也替伊體貼。曉的伊你欲困着。無奈身體疲倦。煞尾回。就叫伊起梨。共伊講。拿我其伙梨囉。話講故味完。猶大帶盡個伙。手札都掏家私。行入園裏。一直殺主面前。猶大假做愛主。其樣式。駛嘴。煞主。只個呆伙。曉的。噴是暗號。就認的主了。主個只個呆伙。講。欲拿伊呢。伊應講。耶穌。主講。我就是。眾伙聽見。就驚到退跋地塊。主你講。欲拿耶穌。就是我。眾伙就向前拿主。彼得拔起刀。割一個伙其耳仔。主就禁止。

伊替者伙其耳醫好。門生見主，係走也。係顯伊其權能，脫離者呆伙其手情。願乞伊拿心，礼大驚，就都散去。者呆伙就將主解落，祭司長其院礼，將換看起梨。主欲救自家也容易，是因甘願受死，替我伙贖罪，故此像羔羊，許滿馴良，乞呆伙拖去也。係呼救，伊其仁愛，真真是賣講的盡吓。

歌曰

園中臨受苦。

主帶有三徒。

憂懼祈求切。

周身血汗濡。

喚徒須醒悟。

禱告可無虞。

三次逢他睡。

相帮實在無。

願成天父旨。

莫順我心思。

忽見兇人到。

長刀短棍持。

惡徒親主面。

暗號眾皆知。

贖罪甘流血。

鴻恩格外施。

第三十五課

論彼得係認主

耶穌毅祭司長其院礼，眾祭司長共讀書伙，連民間其長老，叫主跣着中間，務伙亂做証，見欲害主。祭司長各伙們，主講汝是上帝其仔，吓係是主講是。後來汝的的看見我，帶天使趁天頂其雲礼梨，眾伙聽者話，大受氣講，伊是亂講，着解總督許塊，定伊死罪。眾差役戲弄耶穌，灑吧伊，掩伊目，調駛拳頭。

拍伊講。汝試講是佻伙拍汝。百般凌辱。實在難受。主雖然受只。恁其苦。並毛
共伊辨論。門生起先都散去。以後彼得跟着拿主許一帮其伙。殼祭司長其
院。看伊生箸式處治主。一入去共差役各伙齊跬礼烘火。覷裏勢。見主跬落
呆伙面前。務一隻了頭指彼得講。伊是耶穌其門生呵。彼得就驚講。我係是
呵。就出去。那時候雞隻叫。殼院門口。伙碰着一個了頭。指伊講。只一隻也是
共耶穌一帮。彼得伙伙認講。汝所講其伙。我伙伙伊。就伙入去烘火。許塊伙
一個伙講。汝實在是共耶穌一帮。因聽汝其腔口。就跬認的也。務伙講。伊落
園許裡。我務看見彼得許一時。就大驚。詛嘴講。那伙我鐵實伙八。覷覷只一
時。雞伙叫。主落裏勢回轉頭。覷彼得。彼得記的起。主講。雞二叫以前的。三
回講。伙八我。就趕緊出去。大苦啼嘛。彼得本來是真心愛主。娜伊務一件病。
就是恰自藉。主預先務做戒。伊講。汝跬受誘惑。伊聽主所講其話。毛十分在
意。以致伙認八主。可見我伙自家其力量靠不住。欲忠心跟主的。着靠主扶
持。留心記主所做戒其話。就跬免的受誘惑。彼得以後。因主回頭覷伊。就退
悔大苦。我伙着做戒者自藉其心。若使務鄭。就着退悔大苦。趕緊求主赦免。

呵。

歌曰

彼得曾經說。	丹心與眾殊。	大家雖退後。	我必做良徒。	誰料門房裏。
驚慌遇婢奴。	三番連妄對。	不識主耶穌。	說謊剛言畢。	雄雞幾次鳴。
追思前所告。	應驗極分明。	基督居堂內。	回頭注定睛。	徒難當主願。
出外放哀聲。				

第三十六課

論主受呆伙審判

耶穌落祭司長其院許裏，乞呆伙戲弄一晷，上課已經講了。殼天光其時候，就解去總督彼拉多礼，祭司長共民間長老都梨，告伊野晒其代，主一句都怀應。仅告主自稱做國王，彼拉多個講，汝是做國王麼，主應講，正是，那我其國，怀是屬著者世間。彼拉多個主野晒其話，見伊毛罪，曉的是因伙忌恨伊，就剝放伊去。共眾伙講，伊毛罪，我拍放伊去，好叭。眾伙講，怀通放，汝那放伊，就賣算的忠臣。仅講，伊自稱做上帝，照我本國律法，罪頂重，應該死。彼拉多聽者話，心裏更驚，仅想設法救伊，看許一帮其伙，怀肯放主，伊就倚百姓肯

放伊。原來羅馬國其伙，落許塊做官，欲百姓歡喜，年年設逾越節，憑百姓主意，放一個犯者時候，務一個劊伙其囚犯，名巴拉巴。彼拉多想，百姓的的，罷講放耶穌，你存意，巴巴共耶穌，汝願我放，第一隻呢。彼拉多想，百姓的的，罷講放耶穌，你存意，百姓乞許一帮伙挑唆，就講放巴拉巴。彼拉多想，將換耶穌，將樣發落呢。百姓呼講，釘十字架。彼拉多想，駛鞭拍耶穌，百姓替伊可憐，或且肯放伊。吩咐將耶穌，獲鞭重重拍，血流滿身，帶伊出去，叫百姓看。百姓仍原，你肯放，講釘伊十字架。彼拉多見衆伙其意思，一定剝定伊死罪，你肯討情，驚鬧出事，就憑百姓其意思，交乞伊釘十字架。彼拉多掬水洗手，表明者代，共伊毛干過，衆兵丁就拖伊去，戲弄伊，脫伊衣裳，掬喇紅袍，乞伊穿，獲刺草做喇帽，乞伊戴，掬一條蘆草，插伊手礼，就像國王一樣，跪落面前，講猶太伙其王平安麼，拈者蘆草拍伊其頭，戲弄完，就脫起紅袍，你獲舊底其衣裳，乞伊穿，拖去釘十字架。彼拉多獲水洗手，表明自家毛罪，你伊憑百姓其意思，害主者罪，總賣辭的去。嚙罷做戒我伙，你通味自家其良心，去憑衆伙你合理其意思。

歌曰

主在廳堂立。兇人逞暴強。面皮噴唾水。身上受拳傷。天曉衙門去。
將他審訊詳。明明無罪惡。衆說殺應當。兵丁同戲侮。剝下主衣裳。
荆帽紅袍着。稱他猶太王。葦條鞭主首。穿上舊衫剛。押去遭殘害。
猶羊遇虎狼。

第三十七課

論猶大自盡

耶穌落園裏，乞仇敵拿去，許一時，呆伙就拘三十兩銀，乞猶大，伊收者銀，心裏歡喜，伙歡喜，伙家賣曉的，以後見主，乞呆伙拿去，凌辱的，的剝定伊死罪，猶大只一時良心發現，實在賣過意，想主頂好，待我其恩，頂大，我仵單到害伊其命者，罪頂重，得者銀，實在賣駛的，就掬去還者呆伙，共伊講，耶穌毛罪，我將伊賣乞汝，罪頂重者，呆伙心實在很，應伊講，贖是汝其代，共我也毛干過，猶大將者銀，擲地下，跑出外斗，尋一條索，去吊死，伙存意者，索拍斷去，猶大跋地下，腹老裂開，腸肚流出，就死去，只晒呆伙，商量講，只三十兩銀，是賣伙命其銀，收困庫，礼大伙合，就掬梨買一塊，燒硌其田，留做義塚，埋葬者死其客商，猶大因貪財，魔鬼乘縫，誘惑伊賣主，或且伊心裏想，主其權能頂大。

一定懺救自家，我樂得聽者錢者樣瞞心昧已，後來主竟然乞呆伙害死，伊就退悔也不及。噲是教我伙曉的伙犯罪，斷係通貪圖漏網，等殼後悔就遲囉。看只晒呆伙，以前共猶大十分相好，後來講賣主其代，共伊毛干過，看將換就曉的，我共伙齊做呆，伊就愛我，殼犯罪，伙就嫌恨我，冷笑我。猶大以後，那曉的趕緊退悔，求主可憐，或且也懺得救，可惜伊乞魔鬼迷惑，係想歸服主，絕望去死，以致受永遠其刑罰。

歌曰

猶大充良善，中懷實不同。貪心難改變，因被惡魔蒙。膏脚稱無用，沽油可濟窮。賣來銀在手，意欲把私充。當日錢難得，因同惡黨通。謀財思害主，或想必無功。不料能成事，羞慙發寸衷。還銀隨自盡，地獄陷其躬。

其二

貪財猶大害恩師，惡事成功悔恨遲。銀錢三十傷心物，繩索一條勒頸時。身體高懸悽慘極，肝腸迸裂死亡期。

吾儕時刻加懲戒。

誠恐貪心亦若斯。

第三十八課

論主乞呆仗釘十字架

彼拉多已經出令釘耶穌落十字架。務一個武官共幾個兵帶主殼法場。者十字架是羅馬國其刑具。獲二塊模做其一橫一直像十字其樣式。犯罪其仗駛鐵釘釘二個手落橫木。釘二個腋落直木。釘完將者架插落地。礼等者仗慢慢死。嘴是極慘其刑。兵就叫耶穌邁十字架出城。者架頂重。主邁殼半路。毛力邁賈起。兵就叫一個仗替伊邁。務盡個百姓跟伊也。務盡個諸娘仗可憐主。傷心啼嘛。主回頭覷伊講。汝仗駛替我悲傷。應該替汝自家。連汝其仔悲傷。主曉的耶路撒冷其百姓。罪頂重。幾年過的。的碰着大難。就比喻講。模故青。仗都將換做。模那枯去。就剝生箬樣呢。意思是講。自家毛罪受難。就像火燒生其柴。百姓務罪受難。就像火燒枯其柴。是容易灼。殼一個山頂。只個兵就釘主落十字架。剝釘時候。兵就剝主其衣裳。大家齊分。剩喇身裏一件衣裳。是全縫織。仗欲扯破。就做喇圍拔。拔着就掏去。嘴應驗先知所講其話。仗分我身面其衣裳。拔圍得我身裏衣裳。主受者樣慘刑。並毛怨恨。倒可

憐只晒呆伙，蒙昧做者代，求天父赦伊其罪。

歌曰

帶主高山去。

兇人要用刑。

女流隨後面。

啼哭不會停。

宜為兒孫哭。

休憐我目瞑。

焚民猶槁木。

燒我木方青。

木架山頭插。

身中露鐵釘。

衣衫俱剝盡。

分散眾兵丁。

其二

戲侮耶穌畢。

牽他快出城。

婦人相識輩。

一路哭哀聲。

主戒緣子哭。

堪憐自己情。

子孫將有禍。

此邑必夷平。

釘主高懸架。

吾儕罪贖成。

救人無救己。

萬世主光榮。

第三十九課

再論主釘十字架

彼拉多掏一條押條，貼着十字架上，勢寫猶太伙其王。主其仇敵看見，驚伙認伊真是猶太王，叫彼拉多改者字。彼拉多怀肯改，講寫了，就將換。務伙看者押條，對主講，汝是猶太伙其王，基督緣何怀救自家，汝伽儼趁架礼落梨，我伙就信也。務笑主講，伊儼救別伙，仅賣救自家者伙賣曉的，主欲救自家。

也頂容易。是因欲替人贖罪。故此甘願受者苦。主旁邊務二個賊齊釘。一個賊心腸真硬。笑主講。汝是基督。應該救自家。連我各人。許一隻賊。就責備伊講。汝殼者地步。故你驚上帝吓。我人受罪是應該。那伊所做都是好。就對主講。汝轉殼天國。着記念我。主見伊退悔信主。就應伊講。今晡汝懺共我。齊殼天堂。仇敵將賊釘共主一堆。是想凌辱主。到曉的務一個賊得救。顯明主其榮耀。只二個賊。懺做的榜樣。一隻惡心不改。仅藐視救主。就賣得救。故一隻曉的悔罪。倚藉救主。就懺上天堂。我人務罪惡。你通藐視救主其恩。着趁早悔改信主。就也懺蒙主赦宥。得享天上永福。

歌曰

兩賊同基督。	當時釘厥躬。	一偏譏笑主。	一賴主動功。	不信雖呼苦。
求幫總是空。	信心依靠主。	立刻獲恩隆。	求主歸天國。	將子誌在衷。
耶穌言共我。	今晚到明宮。	我輩將他學。	都能得善終。	專誠宗教主。
福祿必無窮。				

其二

標籤將主罪名申。
兩旁二賊却爲鄰。
主准他求相拯救。

猶太人王字跡真。
一譏基督無能救。
吾儕學彼被恩勻。

百姓一齊觀望切。
信主其中有一人。

第四十課

再論主釘十字架

耶穌釘落十字架時候。看見伊娘奶。跔着旁邊。只看見伊頂愛其門生約翰。也着許塊主苦伊娘奶。毛伙照應。共伊講着倚靠約翰。就當做自家其仔一樣。只吩咐約翰當做親生其娘奶一樣。約翰就憑主其話。接馬利亞去伊厝裏。奉養伊。主落十字架上勢。通身頂痛心裏發燒。就講嘴渴。兵丁聽主講。嘴渴。就掏海絨浸醋。縛蘆草。礼乞伊食。主嘗一下。就講代計完囉。氣就斷去。主自己初釘十字架。殼未時。尾隻死。受苦足足三時辰。自午正殼未時。尾日頭都烏暗去。殼主氣斷時候。霎不長時。地大定動。大石裂開。墓裏其死伙。只活起。務頂。恁奇特其代。看守其官。見者代。就驚講。只一隻真。真是義人。果然是上帝子。伊見主釘十字架。受只大其苦。故記的娘奶。託門生照顧。就曉的主。平素是孝順。上勢三十八課。務講主替仇敵祈禱。望上帝赦伊其罪。三十九

課務講主准賊所求救伊上天顯明伊毛記念伊舊底其呆惡准伊改過自新後來主捨身救伊甘願受許晒其苦我伊懺容的伊倚靠主其功勞望主赦我其罪救我其靈魂阿。

歌曰

耶穌受苦大難量。

時見母親立在旁。

囑靠愛徒如愛子。

教徒待母似親娘。

石開地震多奇事。

宇宙無光失太陽。

監主官員心恐懼。

稱爲帝子力傳揚。

第四十一課

論埋葬耶穌

耶穌死去許一日是猶太人禮拜六第二日就是禮拜日。仅是大節期。猶太人休欲當節期。身屍故掛着十字架。故此求彼拉多駛人拍折伊其膠骨。乞伊快一步死。就好收拾。彼拉多派喇兵去看。見二個賊故昧死者兵就拍折伊其膠骨。殼耶穌禮見死去了。就毛拍折主其膠骨。務一個兵。掏鎗刺伊其脅。務血共水流出。者水是心窠許裏其水。刺破故此流出。鞋做的耶穌真真死其憑據。務一個富人。名囉約瑟。也是主其門生。因驚猶太人。毛敢明認。殼

業經爲大惡。
折斷兩皆然。
血水參流出。
靈魂得上天。

小事恐汚筵。
見主今身故。
子憑贖罪愆。

民長求官憲。
應經保骨全。
淋漓流寶血。

收屍莫架懸。
偶然兵一個。
此日尙新鮮。

兵丁將賊脚。
鎗刺主身邊。
不論何人靠。

其二

富翁名約瑟。
要葬主耶穌。
園內埋基督。
兵丁守護勤。

私自做門徒。
總督隨應許。
情甘讓已墳。

主死來相認。
依他領主軀。
主曾云復活。

心中恐懼無。
取尸將布殮。
仇敵早曾聞。

見官明稟告。
盡禮極慇懃。
官印封墳口。

第四十二課

論耶穌復活

耶穌埋葬許一日是拜六。穀拜一伊就復活。落墓禮算跨是三日。穀第三日。天寢寢光。耶穌復活。趁墓禮出梨。當許一時地忽然大定動。上帝其使者。由天禮落梨。將墓門其石移開。就坐落石上勢。伊面華光共閃電一樣。衣裳白共雪一樣。把守其兵。驚斗斗戰。共死伙一樣。穀清醒。就將者代。報乞務職分。

許一帮伙八傳。伊一聽見者代，就掏喇錢，賣囑者兵，吩咐伊伙通講。耶穌伙活，那講門生趁我伙困着，將身屍偷去。只恁信主其諸娘伙，也務買香料，想剝塗主其身屍。殼許一日，主已經伙活，伊賣曉的。正礼行，想起墓門其石大的狠，毛擔當移的起。一行殼許塊，見石移去了。墓許裏毛看見主其身屍，那見務喇天使，坐落許塊，就驚。天使講，伙駛驚，汝梨討耶穌，我曉的了。伊毛着只塊，已經伙活，快去共伊門生講。耶穌起先講了，落加利利顯現，乞汝看，汝殼許塊，自然懞見着。只恁諸娘伙轉去，路中碰着耶穌，耶穌個伊講平安。伊伙就向前抱主其肢，拜伊主，吩咐伊報乞門生八傳。伙講，殼加利利懞看見我門生聽見諸娘伙所講其話。漢的莽講，伙肯信，等殼親眼看見主，心礼隻毛可疑。○我伙現在守主伙活其日，做禮拜日。禮拜日本來早一日，殼主伙活其時候就改去。

歌曰

女徒恭敬主。清早到墳塋。帶有多香料。輪將表下情。墓中人不見。
見聖使心驚。謂彼毋憂懼。耶穌死復生。回身思報信。路上主相迎。

吩咐忙歸去。通知我弟兄。使徒疑是假。相信不容輕。見主方無惑。堅心敢証明。

第四十三課

論主仅活顯現

主仅活許一日。務二個門生。一隻名革流巴。故一隻昧記伊是佛。齊去以馬。迂鄉村。者鄉離京城二十餘里。二個伙落路中。有講主仅活其代。心裏愁悶。遇着一個伙。共伊齊行。賣認的是佛。者伙就講。汝面色帶苦。有講也。毛代呢。革流巴應講。汝落京城。挪毛賣曉的。近日所有其代麼。者伙就問講也。毛代。二個伙就將耶穌其代。約畧講乞伊聽。講本來我信伊是基督。倚望救以色列其百姓。到曉的。乞祭司長各伙。定伊死罪。釘十字架。死去。今日已經三日。早起務一幫諸娘伙。去墓。禮。毛看見伊身屍。據伊講。務天使出現。共伊講。主已經仅活。我伙賣曉的真吓假。者伙就責備二隻。伙信聖經其話。講。基督先受苦難。後得榮耀。挪毛。伙是合聖經所講麼。就將舊約所記基督其代。件件解說。乞伊聽。二個伙。毅以馬。迂鄉村。見者伙欲去別塊。就硬留伊。隔。一。穀。食。時候。者伙拈餅祝謝上帝。分乞伊食。二個伙忽然認的是耶穌。再

欲仔細看，就係看見。二個伙講，我落路中，聽伊所講其話，駛我其心頂熱。許一時就轉去京城，獲者代報乞衆門生曉的，一殼許塊，故味開嘴，衆伙先講，主果然係活，西門務看見，二個伙就將路中碰着主，共擘餅認的其代，講乞伊聽。話講故味完，主係現出，跔落中間，共伊講，汝各伙平安，各伙大驚，主安慰講，係駛驚也，係駛可疑，摸我其胶手，就曉的是我門生，掏一塊蜜，一塊魚乞主，主接過就食，係講究聖經其道理，乞各伙聽。○西門就是彼得其別號。

歌曰

當日門徒二，歸鄉走路時，忽逢人客一，不認彼為誰，客問因何故。
愁容有所悲，答云奇異事，爾豈不曾知，京裏前三日，兇人害我師。
今朝聞復活，我輩實狐疑，客說真基督，死而復活宜，爾曹觀舊約。
未曉實希奇，相談鄉里到，客若赴長途，二子強留宿，觀他與衆殊。
席中將餅擘，猛認是耶穌，再要詳觀看，形骸轉盼無，喜歡忙上路。
一直到京城，十一門徒在，言師果復生，彼將分餅際，認主說詳明。
此刻師重現，祝徒安且平。

第四十四課

論多馬係信主仅活

耶穌仅活許一日，半晡現乞衆門生看，上課已經講了。務一個門生名多馬，許一時毛着礼，昧看見主。衆門生就共伊講，我係務看見主了。多馬聽見係信，講我昧獲手，摸伊手共胶釘迹，連脅礼鎗痕，我總係信。過八日，衆門生仅會集，多馬也着礼，伊驚呆，係梨門就關去。耶穌仅現出，跬落中間，講汝各係平安。就叫多馬，穿手梨摸伊手共脅，講着信，係駛可疑。多馬曉的實在，是主就毛可疑。主講多馬，汝看見隻信，務係昧看見也信，務福吓。多馬半晡時候，昧共衆門生會集，務世毛意思，我賣曉的，或是驚猶太人，或是務別毛代，故此昧梨，以致失去看見主其福氣。贖儼做戒做主其門生，聚集禮拜，一定着梨。若使懶惰，有時昧梨，別係得主其恩，係家就得賣着。看多馬起先可疑，後來深信，就曉的主仅活其代，是務憑據。係是輕容易莽信。主講多馬，汝看見隻信，務係昧看見也信，就務福。贖係是講多馬毛福氣，是講昧見主也信，伊其福氣更大。好像我後代其人，昧親眼見主，肯查察伊做救主其憑據，信伊就務大福。若使係信聖經其話，剝討眼見其憑據，就毛擔當得救。

歌曰

主現門徒看。

同欣主復生。

當時惟一箇。

多馬未相迎。

手足同腰脅。

彼云必驗明。

不然雖眾證。

相信總難成。

主再將身現。

剛逢七日期。

謂他伸手驗。

宜信莫懷疑。

多馬方誠信。

分明認識伊。

吾儕雖不見。

能信得鴻禧。

第四十五課

論門生討魚仅碰着主

耶穌八曾講，殼加利利，就憊見的伊着。故此門生殼節期完，由京城轉去加利利。等務幾日，昧碰着務。一日半晡，彼得共六個伙，就是拿但業、雅各、約翰、多馬，故務二隻，昧記伊名也。毛齊去討魚。許一晡，毛毛討殼。天光見務一個伙，跬岸頂，憊伊講，討務魚吓毛。伊應講，毛岸頂其伙就講，拋縊落船右邊，就務魚。各伙聽伊嘴，將縊拋落去，果然拋着盡。西縊都賣拖的起。約翰就講，岸頂其伙是主。彼得一聽見是主，欲就殼主身邊，縊也怀拖，趕緊趁水瀘上岸，故務各伙，坐船仔拖縊梨。見主許塊，務鍬其餅，炭火上勢，務烘其魚，預備乞伊食。主共各伙講，隻討其魚，掏幾頭乞我。各伙就去拖縊上岸，數所拋其大

魚務一百五十三頭。雖然魚只滿晒，繙也賣破。主叫各伙梨食，各伙曉的是主。總務一滴仔驚其意思也。毛敢個。主就掏餅共魚，乞眾伙食，食完就個彼得講。汝比眾伙故愛我麼。彼得毛敢應比別伙故愛主。那應講。主曉的我愛汝。主吩咐伊愛我，就着養我其羊。主第二回，個講。汝愛我麼。彼得仅是將換應。主第三回，仅將換個伊。彼得心裏就苦。驚主。个信伊，就講。主是無所不知。汝曉的我愛汝。主吩咐伊愛我，就着養我其羊。主將其三回，個彼得愛我。个愛。贖是因彼得以前三回，个認主。个欲撥醒伊曉的。主雖然赦伊其罪，个也着常常記着心裏，加倍謙虛。个通學前日自藉。主共彼得講。養我其羊，是叫伊照顧門生。我个愛主的，的也愛主。其門生，那毛相愛相帮。就是毛愛主。

歌曰

往漁仍舊業。 共有七門徒。 一夜拋魚網。 潛鱗一個無。 天明人立岸。
問彼有魚乎。 指點拋船右。 魚多眾喚呼。 愛徒稱是主。 彼得上山先。
快到耶穌足。 難容頃刻延。 主將魚與餅。 早替眾排筵。 吩咐拖魚網。
滿盈協力牽。 食完盤彼得。 愛我比人長。 答曰真誠愛。 囑他牧我羊。

三番連被詰。心內苦難量。答主知真愛。叮寧牧主羊。

第四十六課

論耶穌升天

耶穌仗活後，務四十日隻昇天。當昧昇天以前，現乞門生看野，回不止。挪上幾課所講，務一回落加利利一個山。聖經記講，務五百人，一時都看見。我想就是落山頂只一回。以後門生轉去京城，落許塊，仗看見主，只回回現。乞門生看，是駛伊深信，主實在務仗活。仗講天國其道理，乞伊聽，比從前故詳細。中間務講幾樣頂要緊，就是吩咐門生，福音着傳普天下，勸衆人信從。仗肯信，就受洗禮，靈魂就懺得救。仗信的，的定罪。門生欲做者代，自家毛力量，故此主講，天上地下其權柄，天父都交付乞我了。汝仗駛驚，我時常共汝一堆，殼世間尾日。仗吩咐伊，着先落耶路撒冷傳道，乞人曉的主仗活，是務憑據。雖然害主其人，也毛擔當辨駁。嗜是顯明救主無限量，其仁慈，連害伊其人，主都望伊悔改得救。仗應許門生講，我上天去，就差遣聖神落梨，賜汝務口才，懺傳道，務權柄，懺做異能，其代。着落京城等聖神降臨，就懺證見者道理。講完只個話，主帶門生殼橄欖山，替伊祝福，祝福時候，就離門生上天。

去。務雲遮伊，就賣看見。門生仰起頭，故禮覷。忽然旁邊務二個天使，共伊講。耶穌現在離汝各伙，穀後來的的再降臨。那伙賣再看的見囉。門生自橄欖山轉去京城，心裏歡喜，常常讚美上帝。○耶穌其道理，叫做福音，就是好消息。其意思，指明上帝赦罪救靈其大恩。

歌曰

復活四旬後。耶穌乃上天。門生親目覩。時集在山巔。臨別同他說。福音普世傳。信從方得救。有血氣皆然。凡有人相信。與他洗禮行。行時應付託。父子聖神名。我在榮光位。操權管衆生。爾曹毋恐懼。我旨竟能成。

第四十七課

論聖神降臨

自耶穌昇天，穀五旬節，故務十日。只十日，門生齊聚集落京城一個樓禮，共總務百上伙，毛做別毛代，直頭祈禱上帝。穀五旬節，衆門生齊聚集時候，忽然間，由天禮務聲音，像大風吹梨一樣，充滿所坐其厝。只看見務火焰，像嘴舌分開，歇落各伙頭上。衆伙乞聖神感通，懺講各國其話。許一時，務盡恁虔

心其猶太人。自天下各國梨京城守節。主其門生。一大半是加利利人。霎不長時。儼講伊各人其土腔。者代傳出去。務盡。偈人聚集。禮聽見就奇特的狠。務人見伊者式。就講是酒醉。彼得各人應伊講。噉。係是酒醉。是應驗古早先知所講其話。上帝講。穀末日。剝獲聖神。賜乞眾人。隨時講救主其代。乞眾人聽。伊講。汝所釘死其耶穌。上帝已經駛伊。伊活上天。坐着天父右邊。獲大權柄。榮耀賜伊。伊降聖神。落梨。做者奇特其代。顯明乞汝看。眾人聽者話。曉的罪頂重。心裏像刀刺。就憫彼得各人講。我仝着將做呢。彼得勸伊講。汝人該當悔罪改過。奉耶穌其名受洗禮。汝其罪就儼赦的去。也儼受聖神。許一日信主其人。約畧務三千。自許一時起。主其道理大興旺。

歌曰

適屆五旬節。	門徒共禱祈。	聖神天降下。	宛似大風吹。	火焰來身上。
分開似舌歧。	能言諸國語。	眾聽甚希奇。	或說門徒醉。	西門釋彼疑。
忽然逢此事。	應驗古先知。	基督昇天去。	權能在手持。	民人先害主。
今恐問何爲。	勸彼歸依主。	愆尤可赦之。	三千人信服。	聖教大興時。

第四十八課

論主救彼得出監

京城務職分名望其伙。本來嫌主，故此害主。設者時候，聽見門生証見主，仅活昇天，仅見悔改信主。其伙頂凶，就大受氣，想除滅門生，不准伊藉耶穌其名傳教，常常拿伊關監也。務劊死，過務幾年，希律王劊約翰其兄雅各，見猶太伙歡喜，仅拿彼得，肘肘是除酵節，伊欲劊伙，就關落監裏，撥十六名兵做四班，輪流看守，等節過，劊伊門生頂苦，大家日暝懇切求上帝救伊。第二日，希律想劊彼得，許一晡，彼得落監裏，身礼乞二條鍊，綑縛落二個兵中間，礼困，監門口也務伙看守。主其天使降落梨，華光照着監裏，大使搖彼得其脅，叫伊快起，那鐵鍊就脫去。天使仅講，汝穿衣裳，縛帶拔鞋，跟我梨。彼得好像做梦，賣曉的是真，過二重門，就殼外斗其鐵門，門自家開起。彼得跟天使出去，過一條街，天使就離伊去。彼得隻曉的是真真出監。正礼想時候，就殼馬可其娘奶厝裏，務晒伙聚集許塊祈禱。彼得落外斗拍門，務喇諸娘仔出梨聽認的，彼得其聲音，門也賣記的開，就跑入去，講彼得着外斗拍門。眾伙就講，汝癩囉，伊肯信。彼得故礼拍門，眾伙門一開，見是彼得，就都錯愕。彼得吩

咐伊毛做聲，就將主教伊出監，講乞衆人聽。講完也，毛敢落許塊，就去別位處。將換看起梨，雅各乞人剖死，係是主毛擔當救，是欲伊受苦，證見者道理是真。只教我人，着死守正道，係通那看重者身體，着專心想慕，永遠其福。主教彼得出監，是因衆人懇切祈禱，係忍門生受者艱難，當其苦，也是駛呆人曉的。伊雖然務權勢，那上帝係准伊，伊害門生就賣成。

歌曰

雅各遭誅斬。原來約翰兄。民心多喜悅。彼得擒收獄。
看他有四兵。門徒求主教。日夜竭虔誠。明日將他殺。
夜間天使到。獄啟鍊開鬆。隨即呼他起。穿衣着履從。
猛覺在街中。當夜門徒集。替他切禱祈。適逢來彼得。
時把監中出。詳明說衆知。言終隨暫別。他處避顛危。

第四十九課

論約翰得默示

使徒傳主其道，又盡四苦難，憑人傳講，大半乞人害死，因道理情願捨身。約翰發佬時候，乞呆其國王，倘徒落拔摩其海島，觀觀落主日，就是安息日，受

聖神感動，看見主現出，吩咐伊要緊其話，傳乞聖會其門生曉的。約翰屢次得聖神默示，駛伊曉的聖會後來所碰着其代，或受迫逐，或享平安，道理或興或衰，中間也務伙崇奉異端，假冒聖教，權勢頂大，伙郇從聖經教訓，伙畫伊其記號，落額頭，就害伊，殼尾上帝的的滅伊。那時候萬國其伙，都歸服主。世界像天堂一樣，享太平其福，一千年以後，末日審判就快殼，約翰伙看見天堂其榮耀極安樂，務一座大城，是四角樣式，長共闊都一樣，一面務五千里，共總務十二個門，一面三個門，城牆是寶玉砌其，城門是珠做其，街道是金鋪其，城裏伙駛日月其光，上帝共救主其榮光，普照四處，永遠毛瞑晡，都是日中，務千萬其天使，跬上帝臺前，跪拜讚美，伙見無數其伙，由世上成萬國梨，都是藉主流血得救，身穿白衣裳，手拈金琴，日瞑彈琴，唱歌讚美，歸榮上帝，感謝救主，永遠毛歇。伊伙享尊貴榮耀福氣，世世毛窮盡，賣再受苦，也賣再犯罪，默示其話，中間也務艱難解說，的的着殼，應驗隻儼明白，已經應驗了，務野晒，故務殼以後也的的應驗，絲毫都賣差。

歌曰

使徒多被害。
主日見耶穌。
信主多人在。
耶穌愛莫深。

爲道願捐軀。
默示將來事。
德全樂滿心。

約翰時年老。
相傳記載書。
位前常讚美。

拔摩島問徒。
天城榮耀極。
口唱手彈琴。

聖神來感動。
珠戶路黃金。
感謝無窮盡。

第五十課

論末日審判

穀世間尾日、耶穌帶盡西天使、由天禮落梨。萬代萬國其伙、都聚集臺前、死伙伙活、活伙變化、毛論埋着墓礼、或浸死海礼、或是着世上、或是着陰間、聽見天使吹號筒其聲音、就都聚集等審判。主就分別只西伙、分做二帮、好伙着右邊、呆伙着左邊。像牧羊其伙、分別棉羊山羊一樣、排列清楚、都毛混雜、好其歸好一帮、呆其歸呆一帮、照各伙活礼所做其代定賞罰。伙活落世上時候、務聽見聖經道理、就照聖經其律法判斷。味聽見聖經道理、伊心總曉的善惡、就照伊心裏其律法判斷。穀許一時、伊願由墓礼出梨、也着出梨、想欲躲避落山空海底、毛擔當。欲遮瞞自家其罪、也毛擔當。因主是無所不在、無所不知、我伙做罪孽其代、呀就賣記。主都儼記的、一滴仔毛差。判斷衆伙。

駛伊毛話通應。主務一部書，許裏載各人所做其代，頂詳細，心裏其念頭也。記者書許裏，毛差一滴仔。那時候，翻起書看，就發落我人，將換看起梨。我人務罪，想殼審判其日子，毛跔胶其地位，實在艱難見主，幸的主故務一部生命書，係人生前務悔罪改過，倚靠救主，主就將伊名字，記着者書許裏，就儼得救。毛記者書，就賣免的刑罰。我人挪毛，怀着悔改信主，望主記我名字，着生命書麼。審判完，主打發行惡其落地獄，共魔鬼齊受永遠其苦，帶行善其上天堂，共主齊享永遠其福。

歌曰

耶穌將審判。
善惡兩邊排。
悔罪宗基督。
福禧大矣哉。

末日駕雲來。
賞罰憑公判。
天堂特與開。

一聽號筒響。
無非按律裁。
同人尊與賤。

死生聚主臺。
不悛終作惡。
壯者及嬰孩。

棉山羊別定。
地獄哭悲哀。
勸爾回頭早。

正道啟蒙終

